

詩宿

卷二十五之二十七

音樂部 星集

樂器 樂理

器物部 張集

昆蟲部 翼集

草蟲

毛蟲

羽蟲

鱗蟲

甲蟲

國家圖書館, NATIONAL CENTRAL LIBRARY, TAIWAN, R.O.C

詩宿卷之二十五

星集

長山劉一相彙輯 男鴻訓鴻範鴻采叅閱

章丘木良知

稷山梁蕙 鄭寅校次

關中何補之 來臨訂正

音樂部

樂器類

聽鐘歌

北魏蕭綜

歷歷聽鐘鳴當知在帝城西樹隱落月東窻見曉

詩宿

卷之二十五

一



星霧露朏朏未分明烏啼啞啞已流聲驚客思動  
 客情客情客思鬱鬱縱橫翩翩孤鴈何所栖依依別  
 鶴夜半啼今歲行已暮雨雪向淒淒飛蓬旦夕起  
 楊柳尚翻低氣鬱鬱結涕滂沱愁思無所託強作聽  
 鐘歌

詠鐘

唐宋之間

既接南鄰磬還隨北里笙平陵通曙響長樂徹宵  
 聲秋至含霜動春歸應律鳴豈惟恒待扣金籥有  
 餘清

慈恩寺石磬歌

唐盧綸

靈山石磬生海西波濤平處與山齊長看老僧同  
 佛力呪使鮫人往求得珠穴沉成綠浪痕天衣拂  
 盡蒼苔色星漢徘徊天有風禪翁靜扣月明中羣  
 仙下雲龍出水鸞鶴交飛半空裏山精木魅不可  
 聽落葉秋砧一時起梵宮香散響泠泠無數沙門  
 昏夢醒古廊燈下見行道踈柳池邊聞誦經徒使  
 洪鐘秘高閣萬金費盡工雕鑿豈如全質挂青松  
 數葉殘雲一片峯吾師瑤之壽中國願同劫石無

終極

和王中丞聞琴

齊謝朓

涼風吹月露圓景動清陰蕙風入懷抱聞君此夜  
琴蕭瑟滿林聽輕鳴響澗音無爲澹容與蹉跎江  
海心

琴

前人

洞庭風雨榦龍門生死枝雕刻紛布濩冲響鬱清  
卮春風搖蕙草秋月滿華池是時操別鶴淫淫客  
淚垂

爲我彈清琴

陳沈炯

爲我彈清琴琴鳴傷我襟半死無人覺入竈始知  
音空爲貞女引誰達楚妃心雍門何假說落淚自  
淫淫

詠琴

陳江總

可憐嶧陽木雕爲綠綺琴田文垂睫淚卓女弄弦  
心戲鶴聞應舞游魚聽不沉楚妃幸勿歎此異丘  
中吟

日晚彈琴

北齊馬元熙

言宿  
上客敞前扉鳴琴對晚暉掩抑歌張女淒清奏楚  
妃稍視紅塵落漸覺白雲飛新聲獨見賞莫恨知  
音稀

賦得坐彈鳴琴

唐楊希道

北林鵲夜飛南軒月初進調絃發清徵蕩心祛褊  
悵變作離鴻聲還入思歸引長歎未終極秋風飄  
素鬢

夏彈琴

唐劉庭芝

碧山本岑寂素絲何清幽彈爲風入松崖谷颯已  
秋庭鶴舞白雪泉魚躍洪流余欲娛世人明月難  
暗投感歎未終曲流以下不可收嗚呼鍾子期零落  
歸山丘死而若有知魂兮隨我游

聽蜀僧濬彈琴

唐李白

蜀僧抱綠綺西下峨眉峯爲我一揮手如聽萬壑  
松客心洗流水餘響入霜鍾不覺碧山暮秋雲暗  
幾重

月夜聽盧子順彈琴

前人

閒坐夜明月幽人彈素琴忽聞悲風調宛若寒松

吟白雪亂纖手綠水清虛心鍾期久已沒世上無知音

贈裴九侍御昌江草堂彈琴

唐賈至

朔風吹疎林積雪在崖巘鳴琴草堂響小澗清且淺沈吟東山意欲去芳歲晚悵望黃綺心白雲若在眼

秋夜聽羅山人彈三峽流泉

唐岑參

皤皤岷山老抱琴鬢蒼然衫袖拂玉徽爲彈三峽泉此曲彈未半高堂如空山石林何颼颼忽在窻戶間繞指弄嗚咽青絲激潺湲演漾怨楚雲虛徐韻秋煙疑兼陽臺雨似雜巫山猿幽引鬼神聽淨令耳目便楚客腸欲斷湘妃淚斑斑誰裁青桐枝絙以朱絲絃能含古人曲遞與今人傳知音難再逢惜君方老年曲終月已落惆悵東齋眠

江上琴興

唐常建

江上調玉琴一絃清一心泠泠七絃遍萬木澄幽

言宿  
陰能使江月白又令江水深始知梧桐枝可以徽  
黃金

擬古

唐韋應物

有客天一方寄我孤桐琴迢迢萬里隔託此傳幽  
音冰霜中自結龍鳳相與吟絃以明直道漆以固  
交深

琴歌

唐李頎

主人有酒歡今夕請奏鳴琴廣陵客月照城頭烏  
半飛霜淒萬樹風入衣銅鑪華燭燭增輝初彈淥  
水後楚妃一聲已動物皆靜四座無言星欲稀清  
淮奉使千餘里敢告雲山從此始

雅琴篇

唐司馬逸客

亭亭嶧陽樹落落千萬尋獨抱出雲節孤生不作  
林影搖綠波水彩絢丹霞岑直幹思有託雅志期  
所任匠者果留盼雕斲爲雅琴文以楚山玉錯以  
昆吾金虬鳳吐奇狀商徵含清音清音雅調感君  
子一撫一弄懷知已不見鍾期百年餘還憶朝朝  
幾千里馬卿臺上應蕪沒阮籍帷前空已矣山情

水意君不知拂匣調絃爲誰理調絃拂匣倍含情  
况復空山秋月明隴水悲風已嗚咽離鷗別鶴更  
淒清將軍塞外多奇操中散林間有正聲正聲諧  
風雅欲竟此曲誰知者自言幽隱乏先容不道人  
物知音寡誰能一奏和天地誰能再撫歡朝野朝  
野歡娛樂未央車馬駢闐盛彩章歲歲汾川事簫  
鼓朝朝伊水聽笙簧窈窕樓臺臨上路妖嬈歌舞  
出平陽彈絃本自稱仁祖吹管由來許季長猶憐  
雅歌淡無味淥水白雲誰想貴還將逸調賞幽心

不覺繁聲論遠意傳聞帝樂奏鈞天儻冀微躬備  
五絃願持東武宮商韻長奉南薰億萬年

琴

唐李嶠

隱士竹林隈英聲寶匣開風前綠綺弄月下白雲  
來淮海曾爲室梁岷舊作臺子期如可聽山水響  
餘哀

趙瑟曲

梁沈約

邯鄲奇弄出文梓縈弦急調切流徵玄鶴徘徊白  
雲起白雲起鬱披香離復合曲未央



錦瑟

唐李商隱

錦瑟無端五十絃一絃一柱思華年莊生曉夢迷  
蝴蝶望帝春心託杜鵑滄海月明珠有淚藍田日  
暖玉生煙此情可待成追憶祇是當時已惘然

省試湘靈鼓瑟

唐錢起

善鼓雲和瑟常聞帝子靈馮夷空自舞楚客不堪  
聽苦調淒金石清音入杳冥蒼梧來怨慕白芷動  
芳馨流水傳湘浦悲風過洞庭曲終人不見江上  
數峯青

詠琵琶

齊王融

抱月如可明懷風殊復清絲中傳意緒花裏寄春  
情掩抑有奇態淒鏘多好聲芳袖幸持拂龍門空  
自生

感琵琶弦

北齊馮淑妃

雖蒙今日寵猶憶昔時憐欲知心斷絕應看膝上  
弦

琵琶

唐太宗

半月無雙影全花有四時摧藏千里態掩抑幾重

言宿  
星集卷之二十一  
悲促節縈紅袖清音滿翠帷  
駛彈風響音急緩曲釧  
聲遲空餘闌隴恨因此代相思

彈箏

梁簡文帝

彈箏北窗下夜響清音愁張高弦易斷心傷曲不  
道

詠箏

梁沈約

秦箏吐絕調玉柱揚清曲絃依高張斷聲隨妙指  
續徒聞音繞梁寧知顏如玉

秦箏曲

前人

羅袖飄纏拂雕桐促柱高張散輕宮迎歌度舞遏  
歸風遏歸風止流月壽萬春歡無歇

詠箏

梁王臺卿

依歌時轉韻按曲動花鈿促調移輕柱亂手度繁  
絃唯有高秋月秦聲獨可憐

夜坐看搗箏

唐王諷

調箏夜坐燈光裏却挂羅帷露纖指朱絃一一聲  
不同玉柱連連影相似不知何處學新聲曲曲彈  
來未覩名應是石家金谷裏流傳未滿洛陽城

言宿  
星集卷之二十一  
九  
聽箏

唐張九齡

端居正無緒那復發秦箏  
纖指傳新意繁絃起怨  
情悠揚思欲絕掩抑態還生  
豈是聲能感人心自  
不平

賦得箏篴

梁簡文帝

揆遲初挑吹弄急時催舞  
釧響逐弦鳴衫迴半郭  
柱欲知心不平君看黛眉聚

李憑箏篴引

唐李賀

吳絲蜀桐張高秋空山凝雲  
頽不流江娥啼竹素  
女愁李憑中國彈箏篴  
崑山玉碎鳳凰叫芙蓉泣  
露香蘭笑十二門前融冷光  
二十三絲動紫皇女  
媧鍊石補天處石破天驚  
逗秋雨夢如神山教神  
姬老龍跳波瘦蛟舞吳質  
不眠倚桂樹露脚斜飛  
濕寒兔

鄂渚聽杜別駕彈胡琴

唐劉長卿

文姬留此曲千載一知音  
不解胡兒語空愁楚客  
心聲隨邊草動意入隴雲  
深何事長江上蕭蕭出  
塞吟

詠箎

梁沈約

江南簫管地妙響發孫枝慙慙寄玉指含情舉復  
垂彫梁再三繞輕塵四五移曲中有深意丹誠君  
詎知

詠笙

梁陸罕

管清羅袖拂響合絳脣吹含情應節轉逸態逐聲  
移所美周王子弄羽一參差

又

唐楊希道

短長插鳳翼洪細摹鸞音能令楚妃嘆復使荆王  
吟切切孤竹管來應雲和琴

嵩嶽聞笙

唐劉庭芝

月出嵩山東月明山益空山人愛清景散髮臥秋  
風風止夜河清獨夜草蟲鳴仙人不可見乘月近  
吹笙絳脣吸靈氣玉指調真聲真聲是何曲三山  
鸞鶴情昔去洛塵俗願言聞此曲今來臥嵩岑何  
幸承幽音神仙樂吾事笙歌銘夙心

鳳笙曲

唐李白

仙人十五愛吹笙學得崑丘彩鳳鳴始聞鍊氣餐

言宿  
星集卷之二十一  
金液復道朝天赴玉京玉京迢迢幾千里鳳笙去  
去無窮已欲歎離聲發絳脣更嗟別調流纖指此  
時惜別詎堪聞此地相看未忍分重吟真曲和清  
吹却奏仙歌響綠雲綠雲紫氣向函關訪道應尋  
緱氏山莫學吹笙王子晉一遇浮丘斷不還

聽鄰家吹笙

唐郎士元

鳳吹聲如隔彩霞不知牆外是誰家重門深鎖無  
尋處唯有碧桃千樹花

詠簫

梁劉孝儀

危聲合鼓吹絕弄混笙篴管饒知氣促釵動覺脣  
移仙史安爲貴能令秦女隨

詠笛

梁武帝

鳳  
柯亭有奇竹含情復抑揚妙聲發玉指龍音響鳳

龍笛曲

前人

美人綿眇在雲堂雕金鏤竹眠玉牀婉愛寥亮繞  
紅梁繞紅梁流月臺駐狂風鬱徘徊

聽笛歌留別鄭協律

唐劉長卿

言宿  
星集卷之二十一  
十一  
舊遊憐我長沙謫載酒沙頭送遷客天涯望月自  
露衣江上何人復吹笛橫笛能令孤客愁綠波淡  
淡如不流商聲寥亮羽聲苦江天寂歷江楓秋靜  
聽關山聞一叫三湘月色悲猿嘯又吹楊柳激繁  
音千里春色傷人心隨風飄向何處落唯見曲盡  
平湖深明發與君離別後馬上一聲堪白首

詠笛

唐宋之間

羌笛寫龍聲長吟入夜清關山孤月下來向隴頭  
鳴逐吹梅花落含春柳色驚行觀向子賦坐憶舊

鄰情

聽胡人吹笛

唐李白

胡人吹玉笛一半是秦聲十月吳山曉梅花落敬  
亭愁聞出塞曲淚滿逐臣纓却望長安道空懷戀  
主情

剡溪館聞笛

唐丁仙芝

夜久聞羌笛寥寥虛客堂山空響杳不散溪靜曲宜  
長草木生邊氣城池泛夕涼虛然異風出髣髴宿  
平陽

聞笛

唐張巡

峩峩試一臨虜騎附城陰  
不辨風塵色安知天地  
心門開邊月近戰苦陣雲深  
旦夕更樓上遙聞橫  
笛音

夜上受降城聞笛

唐戎昱

入夜思歸切笛聲寒更哀  
愁人不願聽自到枕邊  
來風起塞雲斷夜深關月開  
平明獨惆悵落盡一  
庭梅

長城聞笛

唐楊巨源

孤城笛滿林斷續共霜砧  
夜月降羌淚秋風老將  
心靜過寒壘遍暗入故園深  
惆悵梅花落山川不  
可尋

吹笛

唐杜甫

吹笛秋山風月清誰家巧作斷腸聲  
風飄律呂相和切月傍關山幾處明  
胡騎中宵堪北走武陵一曲想南征  
故園楊柳今搖落何得愁中却盡生

青溪半夜聞笛

唐李白

羌笛梅花引吳溪隴水清  
寒山秋浦月腸斷玉關

詩宿  
情

聽江笛送陸侍御

唐韋應物

遠聽江上笛臨觴一送君還愁獨宿夜更向郡齋  
聞

與史郎中欽聽黃鶴樓上吹笛

唐李白

一爲遷客去長沙西望長安不見家黃鶴樓中吹  
玉笛江城五月落梅花

春夜洛城聞笛

前人

誰家玉笛暗飛聲散入春風滿洛城此夜曲中聞  
折柳何人不起故園情

塞上聽吹笛

唐高適

雪淨胡天牧馬還月明羌笛戍樓間借問梅花何  
處落風吹一夜滿關山

聞笛

唐李益

回樂峯前沙似雪受降城下月如霜不知何處吹  
蘆管一夜征人盡望鄉

樓中閱清管

唐韋應物



山陽遺韻在林端橫吹驚響迴馮高閣曲怨繞秋  
城淅瀝危葉振蕭瑟涼風生始遇絲管賞已懷故  
園情

裴將軍宅蘆管歌

唐岑參

遼東九月蘆葉斷遼東小兒採蘆管可憐新管清  
且悲一曲風飄海頭滿海樹蕭索天雨霜管聲寥  
亮月蒼蒼白狼河北堪愁恨玄菟城南皆斷腸遼  
東將軍長安宅美人蘆管會佳客弄調啾飀勝洞  
簫發聲窈窕欺橫笛夜半高堂客未回祇將蘆管  
送君杯巧能陌上驚楊柳復向園中誤落梅諸客  
愛之聽未足高捲珠簾列紅燭將軍醉舞不肯休  
更使美人吹一曲

聽董大彈胡笳聲兼寄語弄房給事

唐李頎

蔡女昔造胡笳聲一彈一十有八拍胡人落淚霑  
邊草漢使斷腸對歸客古戍蒼蒼烽火寒大荒陰  
沉飛雪白先拂商絃後角羽四郊秋葉驚撼撼董  
夫子通神明深松竊聽來妖精言遲更速皆應手

言宿  
星集卷之二十五  
十六  
將往復旋如有情空山百鳥散還合萬里浮雲陰  
且晴嘶酸雛鴈失羣夜斷絕胡兒戀母聲川爲淨  
其波鳥亦罷其鳴烏珠部落家鄉遠邏娑沙塵哀  
怨生幽音變調忽飄灑長風吹林雨墮瓦迸泉颯  
颯飛木末野鹿呦呦走堂下長安城連東掖垣鳳  
凰池對青瑣門高才脫畧名與利日夕望君抱琴  
至

夜聞鬻篋

唐杜甫

夜聞鬻篋滄江上衰年側耳情所嚮鄰舟一聽多  
感傷塞曲三更歛悲壯積雪飛霜此夜寒孤燈急  
管復風湍君知天地干戈滿不見江湖行路難

聽安萬善吹鬻篋歌

唐李頎

南山截竹爲鬻篋此樂本自龜茲出流傳漢地曲  
轉奇涼州胡人爲我吹傍鄰聞者多歎息遠客思  
鄉皆淚垂世人解聽不解賞長颺風中自來往枯  
桑老栢寒颺颺九雛鳴鳳亂啾啾龍吟虎嘯一時  
發萬籟百泉相與秋忽然更作漁陽欸黃雲蕭條  
白日暗變調如聞楊柳春上林繁花照眼新歲夜

高堂列明燭美酒一杯聲一曲

鼓

唐李嶠

舜日諧鼗響堯年韻土聲向樓疑吹擊震谷似雷  
驚仙鶴排門起靈囿帶水鳴樂云行已奏禮曰冀  
相成

詠拍板

唐朱灣

赴節心長在從繩道可觀須知片木用莫向散材  
看空爲歌偏苦仍愁和卽難既能親掌握願得接  
同歡

樂理類

奉勅於太常寺修正古樂 隋何妥

大樂遺鐘鼓至樂貴忘情俗久淳和變年深禮教  
生嶰谷調孤管崙山學鳳鳴浮雲成武曲白雪作  
歌名聞詩六義辨觀漏八風平肅穆皇威暢淪漣  
河水清鈞天動絲竹枯地響錚錚盡美兼韶濩盛  
德總咸英寥亮鳧鐘徹飄揚翟羽輕小臣屬千載  
時幸預簪纓行欣負蒼壁衢壇聽九成

夜泊黃山聞殷十四吳吟 唐李白

昨夜誰爲吳會吟風生萬壑振空林龍驚不敢水中臥猿嘯時聞巖下音我宿黃山碧溪月聽之却罷松間琴朝來果是滄洲逸酤酒醅盤飯霜栗半酣更發江海聲客愁頓向杯中失

歌

唐李嶠

漢帝臨汾水周仙去洛濱郢中吟白雪梁上繞飛塵響發行雲駐聲隨子夜新願君聽扣角當自識賢臣

詠聲

唐韋應物

萬物自生聽太空恒寂寥還從靜中起却向靜中消

勤政樓觀樂

唐賈至

銀河帝女下三清紫禁笙歌出九城爲報延州來聽樂須知天下欲昇平

夜上西城聽梁州曲

唐李益

行人夜上西城宿聽唱梁州雙管逐此時秋月滿關山何處關山無此曲

成德樂

唐王表

趙女乘春上畫樓一聲歌發滿城秋無端更唱關  
山曲不是征人亦淚流

張三畏楷書

古自寵校刊

張贇督刊

詩宿卷之二十五終

詩宿卷之二十六

張集

長山劉一相彙輯 男鴻訓鴻範鴻采參閱

章丘木良知

稷山梁蕙 鄭寅校次

關中何補之 來臨訂正

器物部

武王楹銘

古逸

毋曰胡殘其既將然毋曰胡害其既將大毋曰胡傷其既將長

成湯商銘

嗛嗛之德不足就也不可以矜而祇取憂也嗛嗛之食不足徂也不能為膏而祇離咎也

武王盟盤銘

與其溺於人也寧溺於淵溺於淵猶可游也溺於人不可救也

武王觴銘

樂極則悲沈湎致非社稷為危

鼎銘

周正考父

一命而僂再命而偃三命而俯循牆而走亦莫余敢侮饘於是粥於是以糊余口

武王筆銘

毫毛茂茂陷水可脫陷文不活

詠筆格

梁簡文帝

英華表玉笈佳麗稱蛛網無如茲制奇雕飾雜衆象仰出寫含花橫抽學仙掌幸因提拾用遂廁璇臺賞

詠筆

梁徐摛

言宿  
張集卷之二十一  
本自靈山出名因瑞草傳纖端奉積潤弱質散芳  
煙直寫飛蓬牒橫承落絮篇一逢提握重寧憶仲  
升捐

筆

唐李嶠

握管門庭側含毫山水隈霜輝簡上發錦字夢中  
開鸚鵡檄文至麒麟絕句來何當遇良史左右振  
奇才

訓張司馬贈墨

唐李白

上黨碧松煙夷陵丹砂末蘭麝凝珍墨精光乃堪  
掇黃頭奴子雙鴉鬢錦囊養之懷袖間今日贈余  
蘭亭去興來灑筆會稽山

墨

唐李嶠

長安分石炭上黨結松心遶畫蠅初落含滋綬更  
深悲絲光易染疊素彩還沈別有張芝學書池幸  
見臨

石硯

唐杜甫

平公今詩伯秀發吾所羨奉使三峽中長嘯得石  
硯巨璞禹鑿餘異狀君獨見其滑乃波濤其光或



言宿  
雷電聯均各盡墨多水遞隱見揮灑容數人十手  
可對面比公頭上冠貞質未爲賤當公賦佳句况  
得終清宴公舍起草姿不遠明光殿致于丹青地  
知汝隨顧眄

詠硯

唐楊師道

圓池類璧水輕翰染煙華將軍欲定遠見棄不應  
賒

爲傅建康詠紅牋

節文

梁江洪

雜彩何足奇唯紅偏可作灼爍類渠開輕明似霞  
破鏤質卷芳脂裁花承百和不遇精華人豈入風  
流座

詠苔紙

隋薛道衡

昔時應春色引淥汎清流今來承玉管布字改銀  
鈎

詠書帙

節文

梁昭明太子

擢影兔園池抽莖淇水側幸雜緗囊用聊因班女  
織

烏皮隱几

齊謝朓

蟠木生附枝刻削豈無施取則龍文鼎三趾獻光  
儀勿言素韋潔白沙尚推移曲躬奉微用聊承終  
宴疲

武王杖銘

惡乎危於忿寔惡乎失道於嗜慾惡乎相忘於富  
貴

餉任新安斑竹杖

節文

梁到漑

邛竹藉舊聞鑿壽資前識復有冒霜筠寄生桂潭  
側文彩旣斑爛質性甚綢直所以天天眞爲有乘  
危力未嘗以過投屢經芸苗植

答到建安餉杖

梁任昉

故人有所贈稱以冒霜筠定是湘妃淚潛灑遂鄰  
彬扶危復防咽事歸薄暮人勞君尚齒意矜此杖  
鄉辰復資後坐彥候余方欠伸獻君千里笑紆我  
百憂嘖坐適雖有器臥遊苦無津何由乘此竹直  
見平生親

桃竹杖引

唐杜甫

江心蟠石生桃竹蒼波噴浸尺度足斬根削皮如

言宿  
紫玉江妃水仙惜不得梓潼使君開一束滿堂賓  
客皆歎息憐我老病贈兩莖出入爪甲鏗有聲老  
夫復欲東南征乘濤鼓柁白帝城路幽必爲鬼神  
奪杖劍或與蛟龍爭重爲告曰杖兮杖兮爾之生  
也甚正直慎勿見水踴躍學變化爲龍使我不得  
爾之扶持滅跡於君山湖上之青峯噫風塵瀕洞  
兮豺虎咬人忽失雙杖兮吾將何從

彈棋

北周王褒

投壺生電影六博值仙人何如鏡奩上自有拂輕  
巾隔澗疑將別隴頭如望秦握筆徒思賦辭短竟  
無陳

彈棋歌

唐李頎

崔侯善彈棋巧妙盡於此藍田美石清如砥白黑  
相分十二子聯翩百中皆造微魏文手中不足比  
緣邊度隴未可嘉鳥跂星懸正復斜迴颺轉指速  
飛電拂四取五旋風花坐上齊聲稱絕藝仙人六  
博何能繼一別常山道路遙爲余更作三兩勢

李兵曹辟畫山水各賦得桂水汎

前人

片帆浮桂水落日天涯時飛鴈看共度閒雲相與  
遲長波無曉夜沉沉欲何之

崔五六圖屏風各賦一物得烏孫佩刀

前人

烏孫腰間佩兩刀刃可吹毛錦爲帶握中枕宿穹  
廬室馬上割飛翳翕寒執之魍魎誰能前氣凜清  
風沙漠邊磨用陰山一片玉洗將胡地獨流泉主  
人屏風寫奇狀鐵銷金環儼相向回頭瞪目時一  
看使予心在江湖上

韋諷錄事宅觀曹將軍畫馬圖引

唐杜甫

國初以來畫鞍馬神妙獨數江都王將軍得名三  
十載人間又見真乘黃曾貌先帝照夜白龍池十  
日飛霹靂內府殷紅瑪瑙盤婕妤傳詔才人索盤  
賜將軍拜舞歸輕紈細綺相追飛貴戚權門得筆  
跡始覺屏障生光輝昔日太宗拳毛騮近時郭家  
獅子花今之新圖有二馬復令識者久歎嗟此皆

言行  
騎戰一敵萬縞素漠漠開風沙其餘七疋亦殊絕  
迴若寒空動煙雪霜蹄蹴踏長楸間馬官廝養森  
成列可憐凡馬爭神駿顧視清高氣深穩借問苦  
心愛者誰後有韋諷前支遁憶昔巡幸新豐宮翠  
華拂天來向東騰驤磊落三萬疋皆與此圖筋骨  
同自從獻寶朝河宗無復射蛟江水中君不見金  
粟堆前松柏裏龍媒去盡鳥呼風

丹青引贈曹將軍霸 前人

將軍魏武之子孫於今爲庶爲青門英雄割據雖  
已矣文采風流今尚存學書初學衛夫人但恨無  
過王右軍丹青不知老將至富貴於我如浮雲開  
元之中常引見承恩數上南薰殿凌煙功臣少顏  
色將軍下筆開生面良相頭上進賢冠猛將腰間  
大羽箭褒公鄂公毛髮動英姿颯爽來酣戰先帝  
天馬五花驄畫工如山貌不同是日牽來赤墀下  
迴立閭闔生長風詔謂將軍拂絹素意匠慘淡經  
營中斯須九重眞龍出一洗萬古凡馬空玉花却  
在御榻上榻上庭前屹相向至尊含笑催賜金圍

言宿  
人太僕皆惆悵弟子韓幹早入室亦能畫馬窮殊  
相幹惟畫肉不畫骨忍使驂騮氣凋喪將軍善畫  
蓋有神必逢佳士亦寫真卽今漂泊干戈際窶貌  
尋常行路人途窮返遭俗眼白世上未有如公貧  
但看古來盛名下終日坎壈纏其身

觀于舍人壁畫山水

唐王季友

野人宿在山家少朝見此山謂山曉半壁仍栖嶺  
上雲開簾欲放湖中鳥獨坐長松是阿誰再三招  
手起來遲于公大笑向余說小弟丹青能爾爲

同族弟金城尉叔卿燭照山水壁畫歌

唐李白

高堂粉壁圖蓬瀛燭前一見滄洲清洪波洶湧山  
崢嶸皎若丹丘隔海望赤城光中乍喜嵐氣滅謂  
逢山陰晴後雪迴谿碧流寂無喧又如秦人月下  
窺花源了然不覺清心魂祇將疊嶂鳴秋猿與君  
對此歡未歇放歌行吟達明發却顧海客揚雲帆  
便欲因之向溟渤

奉先劉少府新畫山水障子歌

唐杜甫

堂上不合生楓樹，恠底江山起煙霧。聞君掃却赤  
縣圖，乘興遣畫滄洲。趣畫師亦無數，好手不可遇。  
對此融心神，知君重毫素。豈但祁岳與鄭虔，筆跡  
遠過楊契丹。得非玄圃裂，無乃瀟湘翻。悄然坐我  
天姥下，耳邊已似聞清猿。反思前夜風雨急，乃是  
蒲城鬼神入。元氣淋漓障猶濕，眞宰上訴天應泣。  
野亭春還雜花遠，漁翁暝踏孤舟立。滄浪水深青  
溟闊，欹岸側島秋。毫末不見湘妃鼓瑟時，至今斑  
竹臨江活。劉侯天機精，愛畫入骨髓。自有兩兒郎  
揮灑，亦莫比大兒聰明。到能添老樹，巔崖裏小兒  
心。孔開貌得山僧及童子，若耶溪雲門寺吾獨胡  
爲在泥滓。青鞋布鞵從此始。

詠主人壁上畫鶴寄喬主簿崔著作

唐陳子昂

古壁仙人畫丹青，尚有文獨舞紛如雪。孤飛曖似  
雲，自矜彩色重。寧憶故池羣，江海聯翩翼。長鳴誰  
復聞。

詠郡齋壁畫片雲

唐岑參

雲片何人畫塵侵粉色微未曾行雨去不見逐風  
歸只恠偏凝壁回看欲惹衣丹青忽借便移向帝  
鄉飛

觀李固請司馬題山水圖 唐杜甫

方丈渾連水天台總映雲人間長見畫老去恨空  
聞范蠡舟偏小王喬鶴不羣此生隨萬物何處出  
塵氛

奉和李右相中書壁畫山水

唐孫逖

廟堂多暇日山水契中情欲寫高深趣還因藻繪  
成九江臨戶牖三峽繞簷楹花柳窮年發煙雲逐  
意生能令萬里近不覺四時行氣染荀香馥光含  
樂鏡清詠歌齊出處圖書表冲盈自保千年遇何  
論八載榮

奉觀嚴鄭公廳事岷山沔江圖

唐杜甫

沔水臨中座岷山赴此堂白波吹粉壁青障挿彫



詩宿  
梁直訝杉松冷兼疑菱荇香雪雲虛點綴沙草得  
微茫嶺鴈隨毫末川蛻飲練光霏紅洲藻亂拂黛  
石蘿長暗谷非關雨丹楓不爲霜秋城玄圃外景  
物洞庭傍繪事功殊絕幽襟興激昂從來謝太傅  
丘壑道難忘

詠省壁畫鶴

唐宋之間

粉壁畫仙鶴昂藏真氣多騫飛竟不去當是戀恩  
波

崔興宗寫真詠

唐王維

畫君年少時如今君已老今時新識人知君舊時  
好

金陵圖

唐韋莊

江雨霏霏江草齊六朝如夢鳥空啼無情最是臺  
城柳依舊煙籠十里堤

弩

吳朱異

南嶽之幹鍾山之銅應機命中獲隼高墉

詠弓

梁宣帝

虞人招不進繁氏久稱工已悲軒主跡復挹楚王

風

又

唐太宗

上弦明月半激箭流星遠落鴈帶書驚啼猿映枝轉

奉和詠弓

唐楊師道

霜重麟膠勁風高月影圓鳥飛隨帝輦鴈落逐鳴弦

弓

唐李嶠

桃文稱辟惡桑質表初生宛轉雕鞬際依稀半月

明遙彎落鴈影虛引怯猿聲徒切烏號思攀龍遂不成

箭

前人

漢甸初收羽燕城忽解圍影隨流水急光帶落星飛夏列三成範堯沈九日輝斷蛟雲夢澤希爲識志歸

彈

前人

俠客持蘇合佳游滿帝鄉避丸深可謂求多遂難忘金迸疑星落珠成似月光誰知少孺子將此見

言宿  
孫集卷之二十一  
十三  
吳王

劍節文

宋鮑照

雙劍將別離先在匣中鳴  
雌沈吳江裏雄飛入楚城  
吳江深無底楚闕有崇扃  
一爲天地別豈直限幽明  
神物終不隔千祀儻還并

寶劍

梁吳筠

我有一寶劍出自昆吾溪  
照人如照水切玉如切泥  
鏐邊霜凜凜匣上風淒淒  
寄語張公子何當來見攜

觀公孫大娘弟子舞劍器行

唐杜甫

昔有佳人公孫氏一舞劍器動四方  
觀者如山色沮喪天地爲之久低昂  
燿如羿射九日落矯如羣帝驂  
龍翔來如雷電收震怒罷如江海凝  
清光絳脣朱袖兩寂寞晚有弟子傳  
芬芳臨穎美人在白帝妙舞此曲神  
揚揚與余問答既有以感時撫事增  
惋傷先帝侍女八千人公孫劍器初  
第一五十年間似反掌風塵瀕洞昏  
王室梨園弟子散如煙

言宿  
女樂餘姿映寒白金粟堆南木已拱瞿塘石城草  
蕭瑟玳筵急管曲復終樂極哀來月東出老夫不  
知其所往足繭荒山轉愁疾

春坊正字劔子歌

唐李賀

先輩匣中三尺水曾入吳潭斬龍子隙月斜明刮  
露寒練帶平鋪吹不起蛟胎皮老蒺藜刺鸕鷀淬  
花白鷗尾直是荆軻一片心莫教照見春坊字授  
絲團金懸麗敕神光欲截藍田玉提出西方白帝  
驚嗷嗷鬼母秋郊哭

寶劔篇

唐李嶠

吳山開越谿涸三金合冶成寶鏐淬綠水鑿紅雲  
五彩焰起光氛氤背上銘爲萬年字曾前點作七  
星文龜甲參差白虹色輓轡宛轉黃金飾駭犀中  
斷寧方利駿馬羣駢未擬直風霜凜凜匣上清精  
氣遙遙斗間明避災朝穿晉帝屋逃亂夜入楚王  
城一朝運偶逢大仙虎吼龍鳴騰上天東皇提昇  
紫微座西王佩下赤城田承平久息干戈事僥倖  
得充文武備除災辟患宜君王益壽延齡後天地

古劍篇

唐郭震

君不見昆吾鐵冶飛炎煙紅光紫氣俱赫然良工  
鍛鍊凡幾年鑄得寶劍名龍泉龍泉顏色如霜雪  
良工咨嗟歎奇絕琉璃玉匣吐蓮花錯鏤金環映  
明月正逢天下無風塵幸得周防君子身精光黯  
黯青蛇色文章片片綠龜鱗非直結交遊俠子亦  
曾親近英雄人何言中路遭弃捐零落飄淪古獄  
邊雖復沈埋無所用猶能夜夜氣衝天

詠劍

唐崔融

寶劍出昆吾龜龍出采珠五精初獻術千戶竟論  
都匣氣衝斗牛山形轉鹿盧欲知天下貴持此問  
風胡

稍

晉傅玄

彎我繁弱弓弄我丈八稍一舉覆三軍百舉殄戎  
貊

武王矛銘

造矛造矛少間弗忍終身之羞余一人所聞以戒  
後世子孫

旌

唐李嶠

告喜康莊側求賢市肆中擁麾分彩雉持節曳丹  
虹影麗天山雪光搖朔塞風方知美周政抗旆賦  
車攻

旗

前人

桂影承宵月虹輝接曙雲縱橫齊八陣舒卷引三  
軍日薄蛟龍影風翻鳥隼文誰知懷勇志蟠地幾  
繽紛

簾

齊虞炎

青軒明月時紫殿秋風日曛隴引光輝曖曖映容  
質清露依檐垂蛸絲當戶密寒開誰共臨掩晦獨  
如失

賦得珠簾

隋盧思道

鑑帷明欲斂照檻色將晨可憐疎復密隱映當窻  
人浮清帶遠吹含光動細塵落花時屢拂會待玉  
階春

賦簾

唐太宗

參差垂玉闕舒卷映蘭宮珠光搖素月竹影亂清

言宿  
風彩散銀鉤上文斜桂戶中惟當雜羅綺相與媚  
房櫳

詠簾

唐萬楚

玳瑁昔稱華玲瓏薄絳紗鉤銜門勢曲節亂水文  
斜日弄長飛鳥風搖不卷花自當分內外非是爲  
驕奢

詠帳

梁沈約

甲帳垂和壁螭雲張柱宮隋珠旣吐曜翠被復含  
風

詠幔

齊王融

幸得與珠綴幕歷君之楹月映不辭卷風來輒自  
輕每聚金鑪氣時駐玉琴聲但願致樽酒蘭缸當  
夜明

帷

唐李嶠

久閉先生戶高褰太守車羅將翡翠合錦逐鳳凰  
舒明月彈琴夜清風入幌初方知決勝策黃石受  
兵書

牀

梁宣帝

衡山白玉鏤漢殿珊瑚支踞膝申久坐屢好爲頻  
移

詠胡牀應教

梁庾肩吾

傳名乃外域入用信中京足欹形已正文斜體自  
平臨堂對遠客命旅誓初征何如淄館下淹留奉  
盛明

牀

唐李嶠

傳聞有象牀疇昔獻君王玳瑁千金起珊瑚七寶  
妝桂筵含栢馥蘭席拂沈香願奉羅帷夜長承秋

月光

席

吳張純

席以冬設簟爲夏施捐讓而坐君子攸宜

又

齊謝朓

本生潮汐池落景照參差汀洲蔽杜若幽渚奪江  
蘿遇君時採擷玉座奉金卮但願羅衣拂無使素  
塵彌

又

梁柳惲

照日汀洲際搖風淥潭側雖無獨繭輕幸有青袍



言宿  
子集卷之二十一  
色羅袖少輕塵象牀多麗飾願君夜闌飲佳人時  
宴息

又

唐李嶠

避坐承宣父重筵揖戴公桂香浮半月蘭氣籠香  
風舞拂丹霞上歌清白雪中佇將文綺色舒卷帝  
王宮

被

前人

桂友尋東閣蘭交聚北堂象筵分錦繡羅薦合鴛  
鴦光逸偷眠穩王章泣恨長孔懷欣共寢棣萼幾

含芳

屏風

北齊蕭愨

秦皇臨碣石漢帝幸明庭非關重遊豫直是愛長  
齡讀記知州所觀圖見岳形曉識仙人氣夜辨少  
微星服銀有祕術蒸丹傳舊經風搖百影樹花落  
萬春亭飛流近更白叢竹遠彌青逍遙保清暢因  
持悅性情

詠畫屏風十首

北周庾信

千尋木蘭館百尺芙蓉堂落日低蓮井行雲礙芰

言宿  
子集卷之二十一  
梁流水桃花色春洲杜若香就階猶不進催來上  
伎牀

擣衣明月下靜夜秋風飄錦石平砧面蓮房接杵  
腰急節迎秋韻新聲入手調寒衣須及早將寄霍  
嫫姚

出沒看樓殿間闌望綺羅翔禽逐節舞流水赴絃  
歌細管吹蕤竹新杯捲半荷南宮冠蓋下日暮風  
塵多

玉柙珠簾捲金鉤翠幔懸荷香薰冰殿閣影入池  
蓮平沙臨浦口高柳對樓前上橋還倚望遙看採  
菱船

高閣千尋跨重簷百丈齊雲度三分近花飛一倍  
低吹簫迎白鶴照鏡舞山雞何勞愁日暮未有夜  
烏啼

河流值淺岸斂轡暫經過弓衣濕濺水馬足亂橫  
波半城斜出樹長林直枕河今朝遊俠客不畏風  
塵多

度橋猶徙倚坐石未傾壺淺草開長埒行營繞細

言宿  
子集卷之二十一  
廚沙洲兩鶴迴石路一松孤自可尋丹竈何勞憶  
酒爐

白石春泉滿黃金新埒開戚里車先度蘭池馬卽  
來落花承舞席春衫拭酒杯行廚半路待載妓一  
雙迴

將軍息邊務校尉罷從戎池臺臨戚里絃管入新  
豐浮雲隨走馬明月逐彎弓比來多射獵惟有上  
林中

今朝好風日園苑足芳菲竹動蟬爭散蓮搖魚斲  
飛面紅新著酒風晚細吹衣跂石多時望蓮船始  
復歸

觀元丹丘坐巫山屏風 唐李白

昔遊三峽見巫山見畫巫山宛相似疑是天邊十  
二峯飛入君家綵屏裏寒松蕭颯如有聲陽臺微  
茫如有情錦衾瑤席何寂寂楚王神女徒盈盈高  
咫尺如千里翠屏丹崖粲如綺蒼蒼遠樹圍荆門  
歷歷行舟泛巴水水石潺湲萬壑分煙光草色俱  
氤氛溪花笑日何年發江客聽猿幾歲聞使人對

此心緬邈疑入松丘夢綵雲

屏

唐李嶠

洞徹琉璃蔽威紆屈膝迴錦中雲母列霞上織成  
開山水含春動神仙倒景來修身兼竭節誰識作  
銘才

詠屏風

唐袁恕已

綺閣雲霞滿芳林草樹新鳥驚疑欲曙花笑不關  
春山對彈琴客谿流垂釣人請看車馬客行處有  
風塵

題友人雲母障子

唐王維

君家雲母障時向野庭開自有山泉人非因采畫  
來

燈

齊謝朓

發翠斜溪裏苔田寶宕山峯抽莖類仙掌銜光似燭  
龍飛蛾再三繞輕花四五重孤對相思夕空照舞  
衣縫

詠殘燈

梁紀少瑜

殘燈猶未滅將盡更揚輝惟餘一兩焰纔得解羅

衣

詠燈檠

梁王筠

百花曜九枝鳴鶴映冰池  
朱光本內照丹花復外  
垂流暉悅嘉客翻影泣  
生離自銷良不悔明白願  
君知

燈

梁吳均

昔在鳳凰闕七采蓮花莖  
陸離看寶帳爛熳照交  
屏澹艷煙光轉氛氲霧裏  
輕能方三五夜桂樹月中  
生

詠燈

梁范靜妻沈氏

綺筵日已暮羅幃月未歸  
開花散四照含光出九  
微風軒動丹焰冰宇澹清  
輝不吝輕蛾繞唯恐曉  
蠅飛

三善殿夜望山燈

陳江總

百花疑吐夜四照似寒春  
的的連星出亭亭向月  
新採珠非合浦贈珮異江  
濱若任扶桑路堪言並  
日輪

送綦母三寺中賦得紗燈

唐李頎

詩宿  
禪室吐香燼輕紗籠翠煙長繩掛青竹百尺垂紅  
蓮熠燿衆星下玲瓏雙塔前含光待明發此別豈  
徒然

桃燈杖

唐駱賓王

稟質非貪執焦心豈憚熬終知不自潤何處用脂  
膏

燭

齊謝朓

杏梁賓未散桂宮明欲沈暖色輕帷裏低光照寶  
琴徘徊雲髻影灼爍綺疏金恨君秋月夜遺我洞

房陰

又

梁武帝

堂中綺羅人席上歌舞兒待我光泛艷爲君照參  
差

詠池中燭影

梁元帝

魚燈且滅燼鶴焰暫停輝自有銜龍燭青光入朱  
扉映水疑三燭翻池類九微入林如燐影度渚若  
螢飛河低扇月落霧上珠星稀章華終宴所飛蓋  
且相追

賦得照棋燭刻五分成

梁劉孝綽

南皮絃初罷終奕且留賓日下房櫳閤華燭命佳人側光全照局迴花半隱身不辭纖手倦羞今夜向晨

禊飲嘉樂殿詠曲水中燭影

梁劉孝威

火浣花心猶未長金枝密焰已流芳芙蓉池畔涵停影桃花水脉引行光

詠燭二首

唐太宗

人 焰聽風來動花開不待春鎮下千行淚非是為思

明 九龍蟠焰動四照逐花生即此流高殿堪持代月

詠博山香鑪節文

齊劉繪

巖虧千種樹出沒萬重山上鏤秦王子駕鶴乘紫煙下刻蟠龍勢矯首半銜蓮傍為伊水麗芝蓋出巖間復有漢遊女拾羽弄餘妍榮色何雜揉縹緗更相鮮麝園麝霞或騰倚林薄香芊蕞掩華終不發含

言宿  
子集卷之二十六  
三十一  
薰未肯然風生玉階樹露湛曲池蓮寒蟲飛夜室  
秋雲沒曉天

詠竹火籠節文

齊謝朓

庭雪亂如花井冰粲成玉因炎入貂袖懷溫奉芳  
褥體密用宜通文斜性非曲暫承君玉指請謝陽  
春旭

詠五彩竹火籠

梁范靜妻沈氏

剖出楚山筠織成湘水紋寒銷九微火香傳百合  
薰氤氳擁翠被出入隨細裙徒悲今麗質豈念昔

凌雲

武王鏡銘

以鏡自照見形容以人自照見吉凶

鏡臺

齊謝朓

玲瓏類丹檻茗亭似玄闕對鳳懸清冰垂龍挂明  
月照粉拂紅妝插花理雲髮玉顏徒自見常畏君  
情歇

愁閨照鏡

梁簡文帝

別來顛顛久他人恠容色只有匣中鏡還持自相



詩  
言宿  
識

鏡

前人

錙銖恒在側誰言覽鏡稀如冰不見水似扇長含  
輝全開玳瑁匣併卷織成衣脫入相如手疑言趙  
璧歸

又

梁高爽

初上鳳凰墀此鏡照蛾眉言照長相守不照長相  
思虛心會不採貞明空自欺無言此故物更復對  
新期

又

梁何遜

珠簾旦初卷綺機晨未織玉匣開鑿形寶臺臨淨  
節對影獨含笑看花時轉側聊爲出繭眉試染天  
桃色羽釵如可問金鈿畏相逼蕩子行未歸啼妝  
坐露臆

又

梁朱超道

折花須自插不用暫臨池當由可憐面偏與鏡相  
宜安釵釧獨響刷鬢袖俱移惟餘心裏恨影中恒  
不知

又

梁王孝禮

可憐不自識終爾因鏡中分眉一等翠對面兩邊  
紅轉身先見動含笑逆相同猶嫌鏡裏促看人未  
好通

詠照鏡

梁費昶

晨暉照杏梁飛燕起朝妝留心散廣黛輕手約花  
黃正釵時念影拂絮且憐香方嫌翠色故乍道玉  
無光城中皆半額非妾畫眉長

爲羊克州家人答餉鏡

陳徐陵

信來贈寶鏡亭亭似團月鏡久自愈明人久情愈  
歇取鏡挂空臺於今莫復開不見孤鸞鳥香魂何  
處來

詠空鏡臺

陳陳叔達

卽今妝飾廢凋零衢路間姮娥與明月相共落關  
山

塵鏡二首

北周庾信

明鏡如明月恒常置匣中何須照兩鬢終是一秋  
蓬

詩苑  
玉匣聊開鏡，輕灰暫拭塵。光如一片水，影照兩邊人。月生無有桂，花開不逐春。試挂淮南竹，堪能見四鄰。

和陳王詠鏡

隋李巨仁

魏宮知本姓，秦樓識舊名。鳳從臺上出，龍就匣中生。無波菱自動，不夜月恒明。非惟照佳麗，復得厭山精。

同張明府清鏡歎

唐孟浩然

妾有盤龍鏡，清光常晝發。自從生塵埃，有若霧中月。愁來試取照，坐歎生白髮。寄語邊塞人，如何久離別。

老婦歎鏡

唐王建

嫁時明鏡老猶在，黃金鏤畫雙鳳背。憶昔咸陽初買來，燈前自繡芙蓉帶。十年不開一片鐵，長向暗中梳白髮。今日後牀重照着，生死終當此長別。

鑑

唐李嶠

明鑑掩塵埃，含情照魏臺。日中烏鵲至，花裏鳳凰來。玉彩疑冰澈，金輝似月開。方知樂彥輔，自有鑒

言宿  
人才

千秋節賜羣臣鏡

唐玄宗

鑄得千秋鏡光生百鍊金分將賜羣后遇象見清  
心臺上冰華澈窻中月影臨更銜長綬帶留意感  
人深

覽鏡

唐李崇嗣

歲去紅顏盡愁來白髮新今朝開鏡匣疑是別逢  
人

佳人照鏡

唐張文恭

倦采靡蕪葉貪憐照膽明兩邊俱拭淚一處有啼  
聲

照鏡

唐李益

衰鬢臨朝鏡將看却自疑慚君明似月照我白如  
絲

竹扇

晉許詢

良工眇芳林妙思觸物騁蔑疑秋蟬翼團取望舒  
景

答團扇歌

晉桃葉

詩宿  
七寶書團扇粲爛明月光與郎却暄暑相憶莫相忘

詠扇

齊丘巨源

瓊澤映冰鱗清風生月輪畫作景山樹圖爲河洛神  
倡樓出素手歌席動丹脣宛轉含嬌意偏宜桃李人

賦得白羽扇

梁簡文帝

可憐白羽扇却暑復來氛終無顧庶子誰爲一揮軍

詠扇

梁何遜

如珪信非玷學月但爲輪機杼靡蕪妾裁縫篋笥  
人搖風入素手占曲掩丹脣羅袖幸拂拭微芳聊可因

賦得轉歌扇

梁庾肩吾

團紗映似月蟬翼望如空迴持掩曲態轉作送聲風

詠畫扇

梁鮑子卿

細絲本自輕弱采何足盼直爲發紅顏謬成幄中

扇乍奉長門泣時承栢梁宴  
魚妝開已掩歌容隱  
而見但畫雙黃鵠莫作孤飛鴈

詠破扇

陳許倪

蔽日無全影搖風有半涼  
不堪鄣巧笑猶足動衣香

詠斑竹掩團扇

陳周弘正

齊紈將楚竹從來本相遠  
將申湘女悲宜並班姬怨

扇

唐李嶠

翟羽舊傳名蒲葵價不輕  
花芳不滿面羅薄詎障聲  
禦熱含風細臨秋帶月明  
同心如可贈持表合歡情

題竹扇贈別

唐皇甫冉

湘竹殊堪製齊紈且未工  
幸親芳袖日猶帶舊林風  
掩笑歌筵裏傳書臥閣中  
竟將為別贈寧與合歡同

詠破扇

唐唐怡

輪如明月盡羅似薄雲  
穿無由重掩笑分在秋風

前

詠輕利船應臨汝侯教

梁王筠

君侯飾輕利搖蕩邁飛雲  
凌波漾鷁采映水煥蛟  
文電流已冠絕鳥逝復超羣  
倏忽方千里戀茲岐  
路分

津渚敗船

梁江祿

可愛木蘭資可憐丹桂質  
逐浪徒言是乘風還自  
失草蔓艸長埋沙巨舫難  
出陸沈成許去無復乘  
流日

舟

唐李嶠

征權三江暮連檣萬里迴  
相烏風際轉畫鷁浪前  
開羽客乘霞至仙人弄月  
來何當同傳說特展巨  
川材

武王書車銘

自致者急載人者緩取欲無度自致而反

車

唐李嶠

天子馭金根蒲輪闢四門  
五神趨雪至雙轂似雷  
奔丹鳳棲金轄非能載寶  
軒無階忝虛左珠乘奉

詩經  
子集卷之二十六  
三十四  
王言

題田洗馬遊巖桔槔

唐陳子昂

望苑長爲客商山遂不歸誰憐北陵井未息漢陰  
機

武王衣銘

桑蠶苦女工難得新捐故後必寒

素節文

漢無名氏

新人工織縑故人工織素織縑日一匹織素五丈  
餘將縑來比素新人不如故

頰邊繡

梁沈約

織手製新奇刺作可憐儀縈絲飛鳳子結縷坐花  
兒不聲如動吹無風自裏枝麗色儻未歇聊承雲  
鬢垂

詠剪綵花

梁劉孝威

葉舒非漸大花發是初開無論人訝似蜂見也爭  
來

又

梁朱超道

淺深依樹色舒見聽人裁假令春已度終住手中



開

詠步搖花

梁范靜妻沈氏

珠華縈翡翠寶葉間金瓊剪荷不似製爲花如自  
生低枝拂繡領微步動瑤瑛但令雲髻掃蛾眉本  
易成

剪綵

唐張九齡

姹女矜容色爲花不讓春旣爭芳意早誰待物華  
真葉作參差發枝從點綴新自然無限態長在艷  
陽晨

賦得香出衣

梁劉孝威

香出衣步近氣逾飛博山登高用鄴錦含情動麝  
比洛妃香纓麝帶逢金縷瓊花玉勝綴珠微蘇合  
故年微恨歇都梁路遠恐非新猶賢漢君芳千里  
尚笑荀令止三旬

羅

唐李嶠

妙舞隨裙動行歌入扇清蓮花依帳發秋月鑒帷  
明雲薄衣初捲蟬飛翼轉輕若珍三代服同擅綺  
紈名

錦

前人

漢使巾車遠河陽步障陳雲浮仙石日霞滿蜀江  
春機迴迴文巧紳兼束髮新若逢楚王貴不作夜  
行人

臨風舒錦

唐蕭昕

麗錦疋云終襜襜展向風花開翻覆翠色亂動搖  
紅縷散悠揚裏文迴照灼中低垂疑步障吹起作  
晴虹既與丘遲夢深知卓氏功還鄉將製服從此  
表亨通

綾

唐李嶠

金縷通秦國爲裘指魏君落花遙寫霧飛鶴近圖  
雲馬眼冰陵影竹根雪霰文何當畫秦女煙際坐  
氤氳

布

前人

御績創義黃緇冠表素王瀑飛臨碧海火浣檀炎  
方孫被登三相劉衣闡四方佇因春斗粟來曉棣  
華芳

訓賀四贈葛巾之作

唐王維

言宿  
野巾傳惠好茲貺重兼金嘉此幽棲物能齊隱吏  
心早朝方暫挂晚沐復來簪坐覺眞塵遠思君共  
入林

珠

唐李嶠

燦爛金輿側玲瓏玉殿隈昆池明月滿合浦夜光  
迴彩逐靈蛇轉形隨舞鳳來甘泉宮起罷花媚望  
風臺

奉試明堂火珠

唐崔曙

正位開重屋凌空出火珠夜來雙月滿曙後一星

孤天淨光難滅雲生望欲無遙知太平代國寶在  
名都

玉

晉司馬彪

玉出閩風側珠生南海濱奕奕不周阪蘇桂揚其  
芬

又

唐李嶠

映石先過魏連城欲向秦洛陽陪勝友燕趙類佳  
人方水晴虹媚常山瑞馬新徒爲卞和識不遇楚  
王珍

金

前人

南楚標前貢西秦識舊城祭天封漢嶺擲地警孫  
聲向日披沙淨含風振鐸鳴方同楊伯起獨有四  
知名

銀

前人

思婦屏輝掩遊人燭影長玉壺初下箭桐井共安  
牀色帶長河色光浮滿月光靈山有珍甕仙闕薦  
君王

錢

前人

漢日五銖建姬年九府流天龍帶泉寶地馬列金  
溝趙壹囊初之何曾箸欲收金門應入論玉井冀  
來求

渫井得金釵

梁湯僧濟

昔者倡家女摘花露井邊摘花還自比挿映還自  
憐窺窺終不罷笑笑自成妍寶釵於此落從來非  
一年翠羽成泥去金色尚如鮮此人今何在此物  
今空傳

以服散鎗贈殷鈞

梁吳均

玉鉉布交文金丹煥仙說九沸翻成緩七轉良爲  
切執以代疏麻長貽故人別

樂府

漢古辭

行胡從何方列國持何來毳毼毼五木香迷迭  
艾蒨及都梁

張三畏楷書

古自寵校刊

張贄督刊

詩宿卷之二十六終

詩宿卷之二十七

翼集

長山劉一相彙輯 男鴻訓鴻範鴻采參閱

章丘木良知

稷山梁蕙 鄭寅校次

關中何補之 來臨訂正

昆蟲部

詩正義引語

古逸

四足之美有鹿兩足之美有鷓

毛蟲類



孔子獲麟歌

唐虞世兮麟鳳遊今非其時來何求麟兮麟兮我  
心憂

麟

唐李嶠

漢祀應祥開魯郊西狩迴奇音中鍾呂成角喻英  
才畫像臨仙閣藏書入帝臺若驚能吐哺為待鳳  
凰來

象

前人

鬱林開郡畢維揚作貢初萬推方演楚惠子正焚  
書執燧奔吳戰量舟入魏墟六牙行致遠千葉奉

高居

天馬二首

漢郊祀歌

太乙況天馬下霑赤汗沫流赭志倣儻精權奇籟  
浮雲晻上馳體容與逝萬里今安匹龍為友  
天馬徠從西極涉流沙九夷服天馬徠出泉水虎  
脊兩化若鬼天馬徠歷無阜經千里循東道天馬  
徠執徐時將搖舉誰與期天馬徠開遠門竦予身  
逝昆侖天馬徠龍之媒游閭闔觀玉臺

君馬黃

漢饒歌

君馬黃臣馬蒼二馬同逐臣馬良易之有魏蔡有  
赭美人歸以南駕車馳馬美人傷我心佳人歸以  
北駕車馳馬佳人安終極

天馬歌節文

晉劉恢

東臯有一駿名曰千里駒絡首纏駿尾養以甘露  
芻

紫騮馬

梁簡文帝

賤妾朝下機正值良人歸青絲懸玉鐙朱汗染香  
衣驟急珂彌響躡多塵亂飛彫菰幸可薦故心君  
莫違

西齋行馬

前人

晨風白金絡桃花紫玉珂影斜鞭昭曜塵起足蹉  
跣任俠稱六輔輕薄出三河風吹鳳皇袖日映織  
成靴遠江艦舳少遙山煙霧多雲開瑪瑙葉水淨  
琉璃波廣路拂青柳迴塘遶碧莎不効孫吳術寧  
須趙李過

後園看騎馬

梁元帝



良馬出蘭池連翩驅桂枝鳴珂隨跼蹶輕塵逐影  
移香來知驟近汗斂覺風吹遙望黃金絡懸識幽  
并兒

瑯琊王歌

梁無名氏

憎馬高纏鬃遙知身自龍誰能騎此馬唯有廣平  
公

賦得邊馬有歸心

陳沈炯

窮秋邊馬肥向塞甚思歸連鑣渡蒲海東舌下金  
微已却魚麗陣將摧鶴翼圍彌憶長楸道金鞍背

落暉

君馬黃

陳張正見

五色乘馬黃追風時滅沒血汗涿龍花胡鞍抱秋  
月唯騰渥洼水不飲長城窟詎待燕昭王千金市  
駿骨

紫騮馬

陳徐陵

玉鐙繡纏鬃金鞍錦覆幪風驚塵未起草淺埒猶  
空角弓穿兩兔珠彈落雙鴻日斜馳逐罷連翩還  
上東

又

陳陳暄

天馬汗如紅鳴鞭度九峻飲傷城下凍嘶依北地  
風笳寒芳樹歇笛笛怨柳枝空橫行意未已羞住轂  
車中

又

陳祖孫登

候騎指樓蘭長城迴路難嘶從風處斷骨住水中  
寒飛塵暗金勒落淚灑銀鞍袖鞭上關路誰念客  
衣單

賦得馬

陳劉刪

獨飲臨寒窟離羣思北風陳王欲觀舞御史自隨  
驄邊聲隕客淚果下益桃紅恒持沛艾影解向平  
陵東

賦得驄馬

隋王由禮

善馬金羈飾躡影復凌空影入長城水聲隨胡地  
風鞞斂青門外珂喧紫陌中行行苦不倦唯當御  
史驄

詠馬

唐楊師道

寶馬權奇出未央雕鞍照曜紫金裝春草初生馳

上苑秋風欲動戲長楊鳴珂屢度章臺側細蹠經  
向濯龍傍徒令漢將連年去宛城今已獻名王

衛節度赤驃馬歌

唐岑參

君家赤驃畫不得一團旋風桃花色紅纓紫鞵珊  
瑚鞭玉鞍錦韉黃金勒請君韞出看君騎尾長窄  
地如紅絲自矜諸馬皆不及却憶百金初買時香  
街紫陌鳳城內滿城見者誰不愛楊鞭驟急白汗  
流弄影行驕碧蹄碎紫髯胡雛金剪刀平明剪出  
三駿高櫪上看肯獨意氣衆中牽出偏雄豪騎將

獵向南山口城南狐兔不復有草頭一點疾如飛  
却使蒼鷹翻向後憶昨看君朝未央鳴珂擁蓋滿  
路香始知邊將真富貴可憐人馬相輝光男兒稱  
意得如此駿馬長鳴北風起待君東去掃胡塵爲  
君一日行千里

驄馬行

唐杜甫

鄧公馬癖人共知初得花驄大宛種夙昔傳聞思  
一見牽來左右神皆竦雄姿逸態何首萃顧影嬌  
嘶自矜寵隅目青熒夾鏡懸肉駿礪礪連錢動朝

言  
來少試華軒下未覺千金滿高價赤汗微生白雪  
毛銀鞍卸覆香羅帕卿家舊物公能取天廐真龍  
此其亞晝洗須騰涇渭深朝趨可刷幽并夜吾聞  
良驥老始成此馬數年人更驚豈有四蹄疾於鳥  
不與八駿俱先鳴時俗造次那得致雲霧晦冥方  
降精近聞下詔宣都邑肯使麒麟地上行

高都護驄馬行

前人

安西都護胡青驄聲價欻然來向東此馬臨陣久  
無敵與人一心成大功功成惠養隨所致飄颻遠

自流沙至雄姿未受伏櫪恩猛氣猶思戰場利腕  
促蹄高如踣鍬交河幾蹴層冰裂五花散作雲滿  
身萬里方看汗流血長安壯兒不敢騎走過掣電  
傾城知青絲絡頭爲君老何由却出橫門道

沙苑行

前人

君不見左輔白沙白如水繚以周牆百餘里龍煤  
昔是渥洼生汗血今稱獻於此苑中駉牝三千匹  
豐草青青寒不死食之豪健西域無每歲攻駒冠  
邊鄙王有虎臣司苑門入門天廐皆雲屯驕驕一

言宿  
骨獨當御春秋二時歸至尊至尊內外馬盈億伏  
櫪在垆空大存逸羣絕足信殊傑倜儻權奇難具  
論纍纍埽阜藏奔突往往坡陀縱超越角壯翻同  
麋鹿遊浮深簸蕩雷鼉窟泉出巨魚長比人丹沙  
作尾黃金鱗豈知異物同精氣雖未成龍亦有神

言羸駿篇

唐喬知之

噴玉長鳴西北來自言當代是龍媒萬里鐵關行  
入貢九重金闕爲君開蹀躞朝馳過上苑趨趨暝  
走發章臺玉勒金鞍荷裝飾路傍觀者無窮極小

山桂樹比權奇上林桃花况顏色忽聞天將出龍  
沙漢主持將駕鼓車去去山川勞日夜遙遙關塞  
斷煙霞山川關塞十年征汗血流離赴月營肌膚  
銷遠道膂力盡長城長城日夕苦風霜中有連年  
百戰場搖珂嚙勒金羈盡爭鋒足頓鐵菱傷垂耳  
罷輕齋弃置在寒谿大宛蒲海北滇壑雋崖西沙  
平留緩步路遠間頻嘶從來力盡君須弃何必尋  
途我已迷歲歲年年奔遠道朝朝暮暮催疲老扣  
冰晨飲黃河源拂雪夜食天山草楚水澶谿征戰

言宿  
事吳塞鳥江辛苦地持來報主不辭勞宿昔立功  
非重利丹心素節本無求長鳴向君君不留祗應  
澶漫歸田里萬里低昂任生死君王儻若不見遺  
白骨黃金猶可市

詠飲馬

唐太宗

駿骨飲長涇奔流灑絡纓細紋連噴聚亂行遶蹄  
縈水光鞍上側馬影溜中橫翻似天池裏騰波龍  
種生

紫騮馬

唐楊炯

俠客重周遊金鞭控紫騮蛇弓白羽箭鶴轡赤茸  
鞞發跡來南海長鳴向北州匈奴今未滅畫地取  
封侯

又

唐盧照鄰

騮馬照金鞍轉戰入臯蘭塞門風稍急長城水正  
寒雪暗鳴珂重山長噴玉難不辭橫絕漠流血幾  
時乾

又

唐沈佺期

青玉紫騮鞍驕多影屢盤盤荷君能翦拂躡蹠噴桑

乾蹠足追奔易長鳴遇賞難從今一萬里霜露不辭寒

驄馬

前人

西北五花驄來時道向東四蹄碧玉片雙眼黃金  
瞳鞍上留明月嘶間動朔風借君馳沛艾一戰取  
雲中

馬

唐李嶠

天馬本來東嘶驚御史驄蒼龍遙逐日紫燕迴追  
風明月來鞍上浮雲落蓋中得隨穆天子何假唐

成公

紫騮馬

唐李白

紫騮行且嘶雙翻碧玉蹄臨流不肯渡似惜錦障  
泥白雪關城遠黃雲海樹迷揮鞭萬里去安得念  
春閨

玉腕騮

唐杜甫

聞說荆南馬尚書玉腕騮頓驂飄赤汗跼躄顧長  
楸胡虜三年入乾坤一戰收舉鞭如有問欲伴習  
池遊

房兵曹胡馬

前人

胡馬大宛名鋒稜瘦骨成竹批雙耳峻風入四蹄  
輕所向無空濶真堪託死生驍騰有如此萬里可  
橫行

舞馬千秋萬歲樂府詞

唐張說

遠聽明君愛逸才玉鞭金翅引龍媒不因茲白人  
間有定是飛黃天上來影弄日華相照耀噴含雲  
色且裴徊莫言闕下桃花舞別有河中蘭葉開

驄馬

唐萬楚

金絡青驄白玉鞍長鞭紫陌野遊盤朝驅東道塵  
恒滅暮到河源日未闌汗血每隨邊地苦蹄傷不  
憚隴陰寒君能一飲長城窟爲盡天山行路難

奉和劉祭酒傷馬

唐嚴維

沛艾如龍馬來從上苑中棣華恩見賜伯舅禮仍  
崇鏡點黃金眼花開白雪驄性柔君子德足逸大  
王風色點鳴珂淨聲連噴玉雄食場恩未盡過隙  
命旋終練影依雲沒銀鞍向月空仍聞樂府唱猶  
念代勞功



馬二首

唐李賀

大漠沙如雪燕山月似鉤何當金絡腦快走踏清秋

香撲赭羅新盤龍蹙是鏡鱗迴看南陌上誰道不逢春

天馬辭二首

唐張仲素

天馬初從渥水來歌曾唱得濯龍媒不知玉塞沙中路首啗殘花幾處開  
躑躅宛駒齒未齊縱金暗至向風嘶來時行盡金

河道獵獵輕風在碧蹄

詠死牛

隋柳詒

一朝辭紺幘千里別黃河對衣徒下泣扣角詎聞歌

牛

唐李嶠

齊歌初入相燕陣早橫功欲向桃林下先過紫樹中在吳頻喘月奔夢屢驚風不用五丁士如何九折通

猛虎行

唐張籍

南山北山樹冥冥猛虎白日繞林行向晚一身當  
道食山中麋鹿盡無聲年年養子在空谷雌雄上  
山不相逐谷中近窟有山林長向村家取黃犢五  
陵年少不敢射空來林下看行跡

豹

唐李嶠

車法肇宗周黜文闡大猷還將君子變來蘊太公  
籌委質超羊羶飛名列虎侯若令逢雨露長隱南  
山幽

熊

前人

導洛宜陽右乘春別館前昭儀忠漢白太傅翊周  
年列射三侯滿興師七步旋莫言舒紫襜猶異飲  
清泉

鹿

前人

涿鹿開中冀秦原闢帝畿柰花開舊苑萍葉藹前  
詩道士乘仙日先王折角時方懷丈夫志抗首別  
心期

羊

前人

絕飲懲澆俗行驅夢逸材仙人擁石去童子馭車

言宿  
來夜玉含星動晨氈映雪開莫言鴻漸力長牧上  
林隈

犬

吳張儼

守則有成出則有獲韓盧宋鵠書名竹帛

狗

晉張華

如黃批狡兔青骹撮飛雉鵠鷺皆盡收鳥鷺鳥安足  
視

兔

唐李嶠

上蔡應初擊平岡遠不稀目隨槐葉長形逐桂條

飛漢月澄秋色梁園映雪輝唯當感純孝郭郭引  
兵威

石塘瀨聽猿

梁沈約

噉噉夜猿鳴溶溶晨霧合不知聲遠近唯見山重  
脊旣歡東嶺唱復佇西巖苔

賦得夜猿啼

陳蕭詮

桂月影纔通猿鳴迴入風隔巖還嘯侶臨潭自響  
空桂藤疑欲飲吟枝似避弓別有三聲淚露裳竟  
不窮

言宿  
放猿

唐許渾

殷勤解金鑠昨夜雨淒淒山淺憶巫峽水寒思建  
溪遠尋紅樹宿深向白雲啼好去長江路煙蘿更  
莫迷

巴江夜猿

唐馬戴

日飲巴江水還啼巴岸邊秋聲巫峽斷夜影楚雲  
連露滴青楓樹山空明月天誰知泊帆者聽此不  
能眠

秋浦歌

唐李白

秋浦多白猿超騰若飛雪牽引條上兒飲弄水中  
月

入黃溪聞猿

唐柳宗元

溪路千里曲哀猿何處鳴孤臣淚已盡虛作斷腸  
聲

嶺猿

唐常建

裊裊淒淒清且切鷓鴣飛處又斜陽相思嶺上相  
思淚不到三聲合斷腸

放猿

唐吉師老

言宿  
放爾千山萬里身野泉晴樹好爲鄰啼時莫近瀟  
湘岸明月孤舟有旅人

羽蟲類

鳳皇

漢李陵

鳳皇鳴高岡有翼不好飛安知鳳皇德貴其來見  
稀

又

晉棗據

有鳳適南中終日無歡娛自怨梧桐遠行飛棲桑  
榆奮迅振長翼俛仰向天衢簫韶逝無聞朝陽不

可須

擬古 節文

宋王叔之

客從北方來言欲到交趾遠行無他貨唯有鳳凰  
子百金我不欲千金難爲市

賦得威鳳棲梧

陳張正見

丹山下威鳳來集帝梧中欲儂春花落將飛秋葉  
空影照龍門水聲入洞庭風別有將雛曲翻更合  
絲桐

古風

唐李白

鳳饑不啄粟所食唯琅玕馬能與羣雞刺感爭一  
餐朝鳴崑丘樹夕飲砥柱湍歸飛海路遠獨宿天  
霜寒幸遇王子晉結交青雲端懷恩未得報感別  
空長歎

鸞

宋范泰

神鸞栖高梧爰翔霄漢際軒翼颺輕風清響中天  
厲外患難預謀高羅掩逸勢明鏡懸高堂顧影悲  
同契一激九霄音響流形已斃

雙鶴

魏曹植

雙鶴俱遨遊相失東海傍雄飛竄北朔雌驚赴南  
湘弃我交頸歡離別各異方不惜萬里道但恐天  
網張

賦得舞鶴

梁簡文帝

來自芝田遠飛渡武溪深振迅依吳市差池逐晉  
琴奇聲傳迥澗動翅拂花林欲知情外物伊洛有  
清潯

詠洲中獨鶴

前人

遠霧日氛氳單飛纔可分孤鷺宿嶼浦羈唳下江

詩宿  
翼集卷之二  
清意惑東西水心迷四面雲誰知獨辛苦江上念  
離羣

飛來雙白鶴

梁元帝

飛來雙白鶴奮翼遠凌煙雙棲集紫蓋一舉背青  
田颺影過伊洛流聲入管絃鳴羣倒影外刷羽閱  
風前映海疑浮雪拂澗瀉飛泉燕雀寧知去蜉蝣  
不識還何言別儔侶從此間山川顧步已相失徘徊  
復反自憐危心猶驚露哀響詎聞天無因振六翮  
輕舉復隨仙

和新浦侯詠鶴

梁江洪

閒園有孤鶴摧藏信可憐寧望春皇下刷羽翫花  
鈿何時秋海上照影弄長川曉鳴動遙怨夕唳感  
孀眠哀咽芳林右憫默華池邊猶冀凌雲志萬里  
共翩翩

詠鶴

梁吳均

本自乘軒者爲君階下禽摧藏多好貌清唳有奇  
音稻梁惠旣重華池遇亦深懷恩未忍去非無江  
海心

賦得獨鶴凌雲去

陳劉剛

孤鳴思滄海矯翮避虞機怨別淒琴曲凌風散舞  
衣五里雖迴顧千年會欲歸寄語雷門鼓無復一  
雙飛

賦得華亭鶴

隋孔德紹

華亭失侶鶴乘軒寵遂終三山凌苦霧千里激悲  
風心危白露下聲斷綵絃中何言斯物變翻復似  
遼東

仙鶴篇

唐武三思

白鶴乘空何處飛青田紫蓋本相依緱山七月雖  
長去遼水千年會憶歸緱山杳杳翔寥廓遼水纍  
纍歎城郭經隨羽客步丹丘曾逐仙人遊碧落迢  
迢碧落斷氛埃霞堂雲閣幾重開欲尋東海黃金  
竈仍向西山白玉臺九臯獨唳方清切五里驚羣  
俄斷絕月下分行似度雲風前颺影疑迴雪風前  
月下路漫漫水宿雲翔去幾般宛轉能傾吳國市  
徘徊巧拂漢皇壇琴中作曲從來易鼓裏傳聲有  
甚難夜夜恒飛銀漢曲朝朝常飲玉池瀾別有聞



言宿  
簫出紫煙還如化履上青天霜毛忽控三神下玉  
羽俄看二客旋燕雀終迷橫海志蜉蝣豈識在陰  
年莫言一舉須千里爲與三山送九仙

鶴

唐李嶠

黃鶴遠聯翩從鸞下紫煙翱翔一萬里來去幾千  
年已憩青田側時遊丹禁前莫言空警露猶冀一  
聞天

寄興園池鶴上劉相公

唐張衆甫

馴狎經時久褫褫短翮存不隨淮海變空媿稻梁

恩獨立秋天靜單棲夕露繁欲飛還斂翼詎敢望  
乘軒

孔雀

唐武元衡

荀令昔居此故巢留越禽動搖金翠尾飛舞玉池  
陰上客撤瑤瑟美人傷蕙心會因南歸使歸放海  
雲深

黃鵠歌

漢昭帝

黃鵠飛兮下建章羽肅肅兮行踟蹰金爲衣兮菊  
爲裳唼喋荷荇出入蒹葭自顧菲薄愧爾嘉祥

鴻鵠節文

魏阮籍

鴻鵠相隨去飛飛適荒裔雙翮凌長風須臾萬里  
逝朝餐琅玕實夕宿西山際抗身青雲中網羅孰  
能制

賦得黃鵠一遠別

陳阮卓

霜風秋月映樓明寡鵠偏栖中夜驚月下徘徊顧  
別影風前淒斷送離聲離聲一去斷復續別響時  
來踈復促聊看遠客贈綾紋彌怨閒宵雅琴曲恒  
思昔日稻梁恩理翮整翰上君軒獨舞輕飛向吳

市狐鳴清唳出雷門王子吹笙忽相值自覺飄飄  
雲裏駛一舉千里未能歸唯有田饒解深意

象載瑜

漢郊祀歌

象載瑜白集西食甘露飲榮泉赤鴈集六分員殊  
翁雜五采文神所見施祉福登蓬萊結無極

鴈節文

魏應瑒

朝鴈鳴雲中音響一何哀問子遊何鄉戢翼正徘徊  
言我塞門來將就衡陽棲往春翔北土今冬客  
南淮遠行蒙霜雪毛羽日摧頽常恐傷肌骨身隕

沉黃泥

歸鴻

宋顏延之

昧旦濡和風，沾露踐朝暉。萬有皆同春，鴻鴈獨辭歸。  
相鳴去澗汜，長引發江畿。皜潔登雲侶，連綿千里飛。  
長懷河朔路，緬與湘漢違。

賦得隴坻鴈初飛

梁簡文帝

高翔憚濶海，下去怯虞機。霧閣早相失，沙明還共飛。  
隴狹朝聲聚，風急暮行稀。雖彌輪臺援，未解龍城圍。  
相思不得返，且寄別書歸。

夜望單飛鴈

前人

天霜河白夜星稀，一鴈聲嘶何處歸。早知半路應相失，  
不如從來本獨飛。

詠湖中鴈

梁沈約

白水滿春塘，旅鴈每迴翔。唼萍牽弱藻，斂翮帶餘霜。  
羣浮動輕浪，單汎逐孤光。懸飛竟不下，亂起未成行。  
刷羽同搖漾，一舉還故鄉。

夜聽鴈

梁蕭子範

天月廣庭輝，遊鴈犯霜飛。連翩辭朔氣，嘹唳啖獨南。

言宿  
歸夜長寒復靜燈光暖欲微悽悽不可聽何況觸  
愁機

賦得始歸鴈

梁劉孝綽

洞庭春水綠衡陽旅鴈歸差池高復下欲向龍門  
飛

詠鴈

北周王褒

伺朝聞曙響妬龍有春聲豈若雲中鴈秋時塞外  
歸河長猶可涉海闊故難飛霜多聲轉急風踈行  
屢稀園池若可至不復怯虞機

賦得集池鴈

北周庾信

逢風時迴度逐侶乍爭飛猶憶方塘水今秋已復  
歸

詠鴈

前人

南思洞庭水北想鴈門關稻梁俱可戀飛去復飛  
還

失羣鴈

唐盧照鄰

三秋北地雪皚皚萬里南翔渡海來欲隨石鷺沉  
湘水試逐銅鳥繞帝臺帝臺銀闕距金塘中間鴛

鷺已成行先過上苑傳書信暫下中州戲稻梁虞  
人負繳來相及齊客虛弓忽見傷毛翎顛顛飛無  
力羽翮摧頽君不識唯有莊周解愛鳴復道郊歌  
重奇色惆悵驚思悲未已徘徊自憐中罔極傳聞  
有鳥集朝陽詎勝仙鳧邇帝鄉雲間海上應鳴舞  
遠得鶖弦猶獨撫金龜全寫中年印玉鵠當變萊  
蕪釜願君弄影鳳凰池時憶籠中摧折羽

同張二詠鴈

唐駱賓王

唼藻滄江遠銜蘆紫塞長霧深迷曉景風急斷秋  
行陣照通宵月書封幾夜霜無復能鳴分空知愧  
稻梁

秋鴈

前人

聯翩辭海曲遙曳指江干陣去金河冷書歸玉塞  
寒帶月凌空易迷煙逗浦難何當同顧影刷羽泛  
清瀾

詠鴈

唐李嶠

春暉滿朔方候鴈發衡陽望月驚弦影排雲結陣  
行往還倦南北朝夕苦風霜寄語能鳴侶相隨入

言宿  
帝鄉

孤鴈

唐杜甫

孤鴈不飲啄飛鳴聲念羣誰憐一片影相失萬里  
雲望盡似猶見哀多如更聞野鴟無意緒鳴噪自  
紛紛

同綦母學士月夜聞鴈

唐張九齡

棲宿豈無意飛飛更遠尋長途未及半中夜有遺  
音月思關山笛風號流水琴空聲兩相應幽感一  
何深避繳歸南浦離羣叫北林聯翩俱不定憐爾

越鄉心

歸鴈

唐杜甫

東來萬里客亂定幾年歸腸斷江城鴈高高正北  
飛

官池春鴈

前人

青春欲盡急還鄉紫塞寧論尚有霜翅在雲天終  
不遠力微繒繳絕須防

歸鴈

唐錢起

瀟湘何事等閒回水碧沙明兩岸苔二十五絃彈

言宿  
夜月不勝清怨却飛來

題新鴈

唐杜荀鶴

暮天新鴈起汀洲紅蓼花踈水國秋想得故園今夜月幾人相憶在江樓

贈黃山胡公求白鷗

唐李白

請以雙白璧買君雙白鷗白鷗白如錦白雪恥容顏照影玉潭裏刷毛琪樹間夜棲寒月靜朝步落花閒我願得此鳥翫之坐碧山胡公能輟贈籠寄野人還

朱鷺

梁王僧孺

因風弄玉水映日上金堤猶持畏羅繳未得異鳧鷺聞君愛白雉兼因重碧雞未能聲似鳳聊變色如珪願識昆明路乘流飲復棲

又

陳張正見

金堤有朱鷺刷羽望滄瀛周詩振雅曲漢鼓發奇聲時將赤鴈竝乍逐綵鸞行別有翻潮處異色不相驚

又

陳蘇子卿

言宿  
玉山一朱鷺萬里入王畿欲向天池飲還繞上林  
飛金隄曬羽翮丹水浴毛衣非貪葭下食懷思自  
遠歸

鷺鷥

唐張祐

深窺思不窮揭趾淺沙中一點山光淨孤飛潭影  
空暗棲松葉露雙下蓼花風好是滄波侶垂絲趣  
亦同

白鷺鷥

唐李白

白鷺下秋水孤飛如墜霜心閒且未去獨立沙洲

傍

賦得白鷺鷥送宋少府入三峽

前人

白鷺拳一足月明秋水寒人驚遠飛去直向使君  
灘

白鷺

唐李嘉祐

江南綠水多顧影逗輕波終日秦雲裏山高奈若  
何

鷺鷥

唐許渾



西風澹澹水悠悠  
雪點絲飄帶雨愁  
何限歸心倚  
前閣綠蒲紅蓼練塘秋

詠鷓鴣

齊謝朓

蕙草含初芳  
瑤池暖晚色  
得廁鴻鸞影  
晞光弄羽翼

詠飛來鷓鴣

梁簡文帝

飛從何處來  
似出上林隈  
口銜長生葉  
翅染昆明苔

鷓鴣

唐杜甫

故使籠寬織須知  
動損毛看雲莫恨  
望失水任呼號  
六翮曾經剪  
孤飛卒未高  
且無鷹隼慮  
留滯莫辭勞

送劉員外同賦陳思王詩得好鳥鳴高枝

隋劉斌

春林已自好  
時鳥復和鳴  
枝交難奮翼  
谷靜易流聲  
間關纔得性  
繒繳遽相驚  
安知背飛遠  
拂霧獨晨征

聽鶯曲

唐韋應物

國家圖書館, NATIONAL CENTRAL LIBRARY, TAIWAN, R.O.C.

詩宿  
東方欲曙花冥冥啼鶯相喚亦可聽乍去乍來時  
近遠纔聞南陌又東城忽往上林翻下苑綿綿蠻  
蠻如有情欲轉不轉意自嬌羌兒弄笛曲未調前  
聲後聲不相及秦女學箏指猶澀須臾風煖朝日  
暎流音變作百鳥喧誰家懶婦驚殘夢何處愁人  
憶故園伯勞飛過聲局促戴勝下時桑田綠不及  
流鶯日日啼花間能使萬家春意闌有時斷續聽  
不了飛去花枝猶裊裊江頭碧樹鎖千門春漏方  
殘一聲曉

鶯

唐李嶠

芳樹禰花紅羣鶯亂曉空聲分折楊吹嬌韻落梅  
風寫轉清絃裏遷喬暗木中友生若可冀幽谷響  
還通

居延海樹間鶯同作

唐陳子昂

邊地無芳樹鶯聲忽聽新聞關如有意愁絕若懷  
人明妃失漢寵蔡女沒胡塵坐聞應落淚况憶故  
園春

聽宮鶯

唐王維

言宿  
春樹遶宮牆宮鶯囀曙光忽驚啼斷足斷移處弄還  
長隱葉棲承露攀花出未央遊人未應返爲此始  
思鄉

柳陌聽早鶯

唐陶翰

忽來枝上囀還似谷中聲乍使香閨靜偏傷遠客  
情間關難辨處斷續若頻驚玉勒留將久青樓夢  
不成千門候曉發萬井報春生徒有知音賞慙非  
臯鶴鳴

龜茲聞鶯

唐梁陟

邊樹正參差新鶯復陸離嬌非胡俗變啼是漢音  
稀繡羽花間覆繁聲風外吹人言曾不辨鳥語却  
相知出谷情何寄遷喬義取斯今朝香陌伴幾處  
坐高枝

詠黃鶯兒

唐鄭愔

欲轉聲猶澀將飛羽未調高風不借便何處得遷  
喬

雉

梁簡文帝

晨光照麥畿平野度春暈避鷹時從身角妬龍或斜

言宿  
飛少年從遠役有恨意多違不如隨蕩子羅袂拂  
塵衣

射雉

陳蕭有

二月春輦動曹王挾妬媒  
插翳依花合  
艾場向野  
開隔田間  
雉近橫溪見影來  
弦鳴青獸碎  
箭落錦衣摧  
今日如臯路能將巧笑迴

雉

唐李嶠

鳴童子懷仁至中郎作賦成  
冀君看飲啄耿介獨  
白雉振朝聲飛來表太平  
楚郊疑鳳出陳寶若雞

含情

山雞

唐溫庭筠

萬壑動晴景山禽凌翠微  
繡翎翻草去紅觜啄花  
歸巢暖碧雲色影孤清鏡  
輝不知春樹畔何處又  
分飛

失白鷹

唐鄭繇

白錦文章亂丹霄羽翮齊  
雲中呼暫下雪裏放還  
迷梁苑驚池鷺陳倉拂野  
雞不知寥廓外何處獨  
依棲

白鷹

唐杜甫

雲飛玉立盡清秋  
不惜奇毛恣遠遊  
在野只教心力破  
千人何事網羅求  
一生自獵知無敵  
百中爭能恥下鞬  
鵬礙九天須却避  
兔經三窟莫深憂

黑鷹

前人

黑鷹不省人間有  
渡海疑從北極來  
正翮搏風超紫塞  
玄冬幾夜宿陽臺  
虞羅自覺虛施巧  
春鴈同歸必見猜  
萬里寒空祇一日  
金眸玉爪不凡材

觀放白鷹

唐李白

八月邊風高  
胡鷹白錦毛  
孤飛一片雪  
百里見秋毫

鳩

魏王粲

鷲鳥化為鳩  
遠竄江漢邊  
遭遇風雲會  
託身鸞鳳間  
天姿既否戾  
受性又不閒  
邂逅見逼迫  
俛仰不得言

詠晚栖鳥

梁元帝

日暮連翩翼  
俱向上林栖  
風多前鳥駛  
雲暗後羣迷  
路遠聲難徹  
飛斜行未齊  
應從故鄉返  
幾過入

言宿  
蘭閣借問倡樓妾何如蕩子妻

城上烏

梁朱超道

朝飛集帝城猶帶夜啼聲近日毛雖暖聞弦心尚驚

烏生八九子篇

節文

梁劉孝威

城上烏一年生九雛毳毛不自暖張翼強相呼羽  
成翮備各西東丁年賦命有窮通不見高飛帝輦  
側遠託日輪中尚逢王吉箭猶嬰后羿弓豈如變  
采救燕質入夢祚昭公流聲表師退集幕示營空  
靈臺已鑄像流蘇時候風

烏夜啼

北周庾信

促柱繁絃非子夜歌聲舞態異前溪御史府中何  
處宿洛陽城頭那得樓彈琴蜀郡卓家女織錦秦  
川竇氏妻詎不自驚長淚落到頭啼烏恒夜啼

詠死烏

隋明餘慶

暮空長罷噪箭急不知驚賴餘琴裏曲猶有夜啼  
聲

晚飛烏

隋虞世基

詩宿  
向日晚飛低飛飛未得棲只爲歸林遠怕當侵夜啼

詠烏代師道

唐太宗

凌晨麗城去薄暮上林棲辭枝枝暫起停樹樹還低向日終難託迎風詎肯迷只待纖纖手曲裏作宵啼

烏

唐李嶠

日暮朝飛急霜臺夕影寒聯翩依月樹迢遞繞風竿白首何年改清琴此夜彈靈臺如可託千里向

長安

詠烏

唐李義府

日裏颺朝彩琴中伴夜啼上林如許樹不借一枝棲

詠鵲

梁蕭紀

欲避新枝滑還向故巢飛今朝聽聲喜家信必應歸

看柳上鵲

北齊魏收

背歲心能識登春巢自成立枯隨雨霽依枝須月

言宿  
明疑是雕籠出當由抵玉驚間闌拂條軟迴復振  
毛輕何獨離婁音傍人但未聽

鵲

唐李嶠

不分荆山抵甘從石印飛危巢畏風急繞樹覺星  
稀喜逐行人至愁隨織女歸儻遊明鏡裏朝夕動  
光輝

鷓鴣歌

古逸

鷓鴣兮鷓鴣兮逆兮衰兮一身九尾長兮

同蔡孚起居詠鷓鴣

唐胡皓

鷓鴣殊姿致鸞鳳得比肩常循金殿裏每話玉階  
前賈誼才方達楊雄老未遷能言既有地何惜爲  
聞天

詠鷓鴣

唐李義府

牽弋辭重海觸網去曾巒戢翼雕籠際延思彩霞  
端慕侶朝聲切離羣夜影寒能言殊可貴相助憶  
長安

鷓鴣

唐杜甫

鷓鴣含愁思聰明憶別離翠衿渾短盡紅茸謾多



言定  
知未有開籠日空殘宿舊枝世人憐復損何用羽  
毛奇

初出金門尋王侍御不遇咏壁上鸚鵡

唐李白

落羽辭金殿孤鳴咤繡衣能言終見弃還向隴西  
飛

詠百舌

梁劉孝綽

山人惜春暮旭日坐花林復值懷春鳥枝間弄好  
音遷喬聲迥出赴谷響音幽深下聽長而短時聞絕

復尋孤鳴若無對百轉似羣吟昔聞屢歡昔今聽  
忽悲今聽聞非殊異遲暮獨傷心

聽百舌

梁徐悱妻劉氏

庭樹旦新晴臨鏡出雕楹風吹桃李氣過傳春鳥  
聲淨寫山陽笛全作洛濱笙注意歡留聽誤令妝  
不成

在長安聽百舌

陳韋鼎

萬里風煙異一鳥忽相驚那能對遠客還作故鄉  
聲

百舌

唐杜甫

百舌來何處重重祇報春知音兼衆語整翮豈多  
身花密藏難見枝高聽轉新過時如發口君側有  
讒人

侍宴詠及舌

梁沈約

假容不足觀遺音猶可薦幸蒙喬樹恩得以聞高  
殿

翠鳥

漢蔡邕

庭陬有若榴綠葉含丹榮翠鳥時來集振翼異修形

容回顧生碧色動搖揚縹青幸脫虞人機得親君  
子庭馴心託君素雌雄保百齡

鴛鴦篇

唐陳子昂

飛飛鴛鴦鳥舉翼相蔽虧俱來綠潭裏共向白雲  
涯音容相眷戀羽翮兩逶迤蘋萍戲春渚霜霰繞  
寒池浦沙連岸淨汀樹拂潭垂年年此遊翫歲歲  
來追隨鳳凰起丹穴獨向梧桐枝鴻鴈來紫塞空  
憶稻梁肥鳥啼倦永夕鶴鳴傷別離豈若此雙禽  
飛翻不異林刷尾清江浦交頸紫山岑文章負奇

言宿  
色和鳴多好音聞有鴛鴦綺復有鴛鴦衾持爲美人贈勗此故交心

和友人鴛鴦之什

唐崔珏

翠鬣紅毛舞夕暉水禽情似此禽稀暫分煙島猶回首只渡寒塘亦並飛映霧乍迷金殿瓦逐梭齊上玉人機採蓮無限蘭橈女笑指中流羨爾歸

白鷗

梁何遜

可憐雙白鷗朝夕水上遊何言異栖息雌住雄不留孤飛出澗浦獨宿下滄洲東西從此別影響絕

無由

鷗

唐杜甫

江浦寒鷗戲無它亦自饒却思翻玉羽隨意點春苗雪暗還須落風生一任飄幾羣滄海上清影日蕭蕭

詠單鳧

梁簡文帝

銜苔入淺水刷羽向沙洲孤飛本欲去得影更淹留

寒鳧

前人

言宿  
迴水浮輕浪沙場弄羽毛眇眇隨山沒離離傍海  
飛

賦得汎汎水中鳧

陳江總

歸鳧沸卉同亂下方塘中出沒時銜藻飛鳴忽颺  
風浮深或不息戲廣若乘空春鸚徒有賦還笑在  
金籠

白鳧行

唐杜甫

君不見黃鵠高於五尺童化爲白鳧似老翁故畦  
遺穗已蕩盡天寒歲暮波濤中鱗介腥膾素不食

終日忍饑西徂復東魯門鷄鷓亦蹭蹬聞道如今猶  
避風

花鴨

前人

花鴨無泥滓塔前每緩行羽毛知獨立黑白太分  
明不覺羣心妬休牽衆眼驚稻梁霜沾汝在作意莫  
先鳴

浴浪鳥

唐盧照鄰

獨舞依盤石羣飛動輕浪奮迅碧沙前長懷白雲  
上

精衛

唐岑參

負劍出北門乘桴適東溟一鳥海上飛云是帝女  
靈玉顏溺水死精衛空爲名怨積徒有志力微竟  
不成西山木石盡巨壑何時平

精衛詞

唐王建

精衛誰教爾填海海邊石子青磊磊但得海水作  
枯池海中魚龍何所爲口穿豈爲空銜石山中草  
木無全枝朝在樹頭暮海裏飛多羽折時隨水高  
山未盡海未平願我身死子還生

杜鵑

宋鮑照

舉頭四顧望但見松栢繁荆棘鬱叢叢中有一鳥  
名杜鵑言是古時蜀帝魂聲音哀苦鳴不息羽毛  
憔悴似人髣飛走樹間啄蟲蠹豈知往日天子尊  
念茲變化非常理中間惻隱不能言

子規啼

唐韋應物

高林滴露夏夜清南山子規啼一聲隣家孀婦抱  
兒泣我獨展轉何時明

聞子規

唐杜荀鶴

楚天空闊月成輪蜀魄聲聲似告人啼得血流無  
用處不如絨口過殘春

又

唐羅鄴

蜀魄千年尚怨誰聲聲啼血向花枝滿山明月東  
風夜正是愁人不寐時

題戴勝

唐賈島

星點花冠道士依紫陽宮女化身飛能傳上界春  
消息若到蓬山莫放歸

鷓鴣

谷以此詩得名  
時號爲鄭鷓鴣

唐鄭谷

暖戲平蕪錦翼齊品流應得近山雞雨昏青草湖  
邊過花落黃陵廟裏啼遊子乍聞征袖濕佳人纔  
唱翠眉低相呼相喚湘江曲苦竹叢深春日西

放鷓鴣

唐羅鄴

好倚青山與碧溪刺桐毛竹待雙栖花時遷客傷  
離別莫向相思樹上啼

詠雙燕

宋鮑照

雙燕戲雲崖羽翮始差池出入南閨裏經過北堂  
陸意欲巢君幕層楹不可窺沉吟芳歲晚徘徊韶

景移悲歌辭舊愛銜淚覓所知

詠新燕

梁簡文帝

新禽應節歸俱向吹樓飛入簾驚釧響音來窻礙舞衣

雙燕離

前人

雙燕有雄雌照日兩差池銜花落北戶逐蝶上南枝桂棟本曾宿虹梁早自窺願得長如此無令雙燕離

和晉安王詠燕

梁庾肩吾

可憐幕上燕差池弄羽衣夜夜同巢宿朝朝相對飛銜泥瞻樂善相賀奉英徽秋蟬行寂寞戀此未辭歸

詠簷燕

前人

雙燕集蘭閨雙飛高復低向戶疑新箔登巢識故泥依欄本相賀近幕願同栖

雙燕

梁吳均

一燕海上來一燕高堂息一朝相逢遇依然舊所識問我來何遲山川幾紆直答言海路長風多飛

言宿  
翼身卷之二十七  
四十一  
無力昔別縫羅衣春風初入帷今來夏欲晚桑蛾  
薄樹飛

詠銜泥雙燕

陳蕭詮

銜泥金屋外表瑞玉筐中學飛疑漢妾巢幕憚吳  
宮爪截還猶短窠成新尚空詎並零陵石飛舞逐  
春風

賦得戲燕俱宿

隋虞世基

大廈初構與雲齊歸燕雙入正銜泥欲繞歌梁向  
舞閣偶爲仙履往蘭闥千里爭飛會難並聊向吳

宮比翼棲

詠燕

唐張九齡

海燕何微眇乘春亦暫來豈知泥滓賤祇見玉堂  
開繡戶時雙入雕梁日幾迴無心與物競鷹隼莫  
相猜

燕子來舟中作

唐杜甫

湖南爲客動經春燕子銜泥兩度新舊入故園常  
識主如今社日遠看人可憐處處巢君室何異飄  
飄託此身暫語舟檣還起去穿花落水益霑巾



燕巢軍幕

唐宋之間

非關憐翠幕不是厭朱樓故來呈燕領報道欲封侯

詠燕

唐張鷟

變石身猶重銜泥力尚微從來赴甲第兩起一雙飛

春燕

唐徐壁

雙燕今朝至何時發海濱窺人向簷語如道故鄉春

古歌銅雀詞

漢樂府

長安城西雙員闕上有一雙銅雀宿一鳴五谷生再鳴五谷熟

雀

晉傅玄

鵲巢丘城側雀乳空井中居不附龍鳳常畏蛇與蟲依賢義不恐近暴自當窮

空城雀 節文

宋鮑照

雀乳四轂空城之阿朝拾野粟夕飲冰河高飛畏鴟鳶下飛畏網羅誠不及青鳥遠食玉山禾猶勝

言宿  
吳宮燕無罪得焚窠賦命有厚薄長歎欲如何

詠雀

梁沈趨

肌薄少滋腴色淺非丹翠不懼越王羞寧懷秦后  
珥傍簷葺寒草循場喙餘穗且欣大廈成焉須鴻  
鵠志

野田黃雀行

北齊蕭愨

弱軀媿綵飾輕毛非錦文不知鴻鵠志非是鳳凰  
羣作風隨濁雨入曲應玄雲空城舊侶絕滄海故  
交分寧死明珠彈且避鷹將軍

詠雀

唐李嶠

大廈初成日嘉賓集杏梁銜畫白表周瑞入幕應王  
祥暮宿空城裏朝遊漣水傍願齊鴻鵠志希逐鳳  
凰翔

啄木

晉傅玄

啄木高翔鳴啾啾飄搖林薄著桑槐徧緣樹間喙  
如錐嚶嚶嚶聲正悲專爲萬物作倡俳當此之  
時樂不可迴

啄木兒

唐朱慶餘

言  
丁丁向晚急還稀  
啄遍庭槐未肯歸  
終日與君除  
蠹害  
莫嫌無事不頻飛

詠獨棲鳥

梁朱超道

河水聞寒已成凍  
塞草愁霜懸自衰  
可念無端失  
林鳥此夜逆風何處歸  
列網遮山不聽度  
懸冰繞樹滑難依  
細石似燕能隨雨  
片木作鳥猶解機  
但令積風多少便  
何患有翼不能飛  
寄語故林無數  
鳥會入羣裏比毛衣

得房公池鵝

唐杜甫

房相西池鵝一羣  
眠沙泛浦白於雲  
鳳凰池上應回首  
爲報籠隨王右軍

鬪雞篇

魏曹植

遊目極妙伎  
清聽厭宮商  
主人寂無爲  
衆賓進樂方  
長筵坐戲客  
鬪雞閒觀房  
羣雄正翕赫  
雙翅自飛揚  
揮羽激清風  
博目發朱光  
觜落輕毛散  
嚴距往往傷  
長鳴入青雲  
扇翼獨翱翔  
願蒙狸膏助  
常得擅此場

鬪雞節文

梁簡文帝

言宿  
玉冠初警敵芥羽忽猜儔十日驕既滿九勝勢恒  
道脫使田饒見堪能說魯侯

雞鳴篇

前人

時雞識將曙長鳴高樹巔啄葉疑障羽排花強欲  
前意氣多驚舉飄颺獨無侶陳思助鬪協狸膏  
昭妬敵安金距丹山可愛有鳳凰金門飛舞有鴛  
鴦何如五德美豈勝千里翔

鬪雞

陳徐陵

季子聊爲戲陳王欲騁才花冠已衝力金爪復驚

媒鬪鳳羞衣錦雙鸞恥鏡臺陳倉若有信爲覓寶  
雞來

雞

唐杜甫

紀德名標五初鳴度必三殊方聽有異失次曉無  
斬問俗人情似克庖爾輩堪氣交亭育際巫峽漏  
司南

鱗蟲類

賦得魚躍水花生

陳張正見

漾色桃花水相望濯錦流躍浦疑珠出依池似鏡

浮凌波銜落葉觸餌避沉鉤方游蓮葉外詎入武  
王舟

賦得蓮下游魚

陳阮卓

春色映澄陂涵泳且相隨未上龍門路聊戲芙蓉  
池觸浪蓮香動乘流葉影披相忘自有樂莊惠豈  
能知

魚

隋岑德潤

劍影侵波合珠光帶水新蓮東自可戲安用上龍  
津

放魚

唐竇鞏

黃金贖得免刀痕聞道禽魚亦報恩好去長江千  
萬里不須辛苦上龍門

鮫人歌

唐李頎

鮫人潛織水底居側身上下隨遊魚輕綃文綵不  
可識夜夜澄波連月色有時寄宿來城市海島青  
冥無極已泣珠報恩君莫辭今年相見明年期始  
知萬族無不有百尺深泉架戶牖鳥沒空山誰復  
望一望雲濤堪白首

甲虫類

詠龜

北齊趙宗儒

有靈堪託夢無心解自謀不能著下伏強從蓮上  
游負圖非所冀支牀空見留儻蒙一曳尾當為屢  
迴頭

詠螺蚌

宋謝惠連

輕羽不高翔自用絃網羅纖鱗惑芳餌胡為釣所  
加螺蚌非有心沉迹在泥沙文無雕飾用味非鼎  
俎和

草虫類

蠶絲歌

宋鮑令暉

春蠶不應老晝夜常懷絲何惜微軀盡纏綿自有  
時

促織

唐杜甫

促織甚微細哀聲何動人草根吟不穩牀下夜相  
親久客得無淚故妻難及晨悲絲與急管感激異  
天真

詠蜂

梁簡文帝

言宿  
逐風從汎漾照日乍依微知君不留眴銜花空自飛

詠蛺蝶

前人

空園暮煙起逍遙獨未歸翠鬣藏高柳紅蓮拂水  
衣復此從風蝶雙雙花上飛寄語相知者同心終  
莫違

賦得蝶依草

梁徐防

飛  
秋園花落盡芳菊數來歸那知不夢作眠覺也恒

螻蛄歌

古逸

違山十里螻蛄之聲猶尚在耳

聽早蟬

梁簡文帝

草歇鶖鳴初蟬思花落後乍飲三危露時蔭五官  
柳莊書晒鵬翼衛賦宜螭首桂樹可淹留勿謂山  
中久

詠早蟬

梁范雲

清  
生隨春冰薄質與秋塵輕端綏挹宵液飛音承露

言宿  
賦得蟬

梁褚澧

避雀芳枝裏飛空華殿曲天寒響屢嘶日暮聲逾  
促繁吟如欲盡長韻還相續飲露非表清輕身易  
知足

賦得寒樹晚蟬踈

陳張正見

寒蟬噪楊柳朔吹犯梧桐葉迴飛難住枝殘影共  
空聲踈飲露後唱絕斷絃中還因搖落處寂寞盡  
秋風

詠蟬

陳劉刪

聲流上林苑影入侍臣冠得飲玄天露何辭高柳  
寒

賦得高柳鳴蟬

隋王由禮

園柳吟涼久嘶蟬應序驚露下綏恒濕風高翅轉  
輕葉踈飛更迴秋深響自清何言枝裏翳遂入蔡  
琴聲

秋蟬

唐駱賓王

九秋行已暮一枝聊暫安隱榆非諫楚噪柳異悲  
潘分形妝薄鬢鏤影飾危冠自憐踈影斷寒林夕



言宿  
吹寒

在獄詠蟬

前人

西陸蟬聲唱南冠客思侵  
那堪玄鬢影來對白頭  
吟露重飛難進風多響易沉  
無人信高潔誰爲表  
予心

秋蟬

唐虞世南

垂綫飲清露流響出疎桐  
居高聲自遠非是藉秋風

詠蟬

唐李百藥

清心自飲露哀響乍吟風  
未上華冠側先驚翳葉中

含風蟬

唐盧照鄰

高情臨爽月急響送秋風  
獨有危冠意還將衰鬢同

詠螢

梁簡文帝

本將秋草并今與夕風輕  
騰空類星霄拂樹若花生  
屏疑神火照簾似夜珠  
明逢君拾光彩不恡此  
身傾

詠螢火

梁元帝

著人疑不熟集草訝無煙到來燈下暗翻往雨中  
然

賦得照帙秋螢

陳楊縉

秋窻餘照盡入暗早螢來忽聚還同色恒燃詎落  
灰飛影黃金散依帷縹帙開含明自不息夜月空  
徘徊

螢火

唐杜甫

幸因腐草出敢近太陽飛未足臨書卷時能點客

衣隨風隔幔小帶雨傍林微十月清霜重飄零何  
處歸

螢

唐李嘉祐

映水光難定凌空體自輕夜風吹不滅秋露洗還  
明向燭仍藏焰投書更有情猶將流亂影來此傍  
簷楹

見螢火

唐杜甫

巫山秋夜螢火飛簾踈巧入坐人衣忽驚馬屋裏琴  
書冷復亂簷前星宿稀却繞井欄添箇箇偶經花

言宿  
卷之二十七  
五十三  
蕊弄輝輝滄江白髮愁看汝來歲如今歸未歸

詠螢火

唐虞世南

明  
的歷流光小飄颻弱翅輕恐畏無人識獨自暗中

詠螢火示情人

唐李百藥

行  
牕裏憐燈暗堦前畏月明不辭逢露濕祇爲重宵

張三畏楷書

古自寵校刊

張贇督刊

詩宿卷之二十七終



詩宿

卷之二十八終

後跋

草木部

樹竹

軫集

花

草

國家圖書館, NATIONAL CENTRAL LIBRARY, TAIWAN, R.O.C.

詩宿卷之二十八

軫集

長山劉一相彙輯 男鴻訓鴻範鴻采參閱

章丘木良知

稷山梁蕙 鄭寅校次

關中何補之 來臨訂正

草木部

樹類

雪裏覓梅節文

梁簡文帝

絕訝梅花晚 爭來雪裏窺 下枝低可見 高處遠難



言宿  
知定須還剪綵學作兩三枝

春日看梅

前人

昨日看梅樹新花已自生今日聞春鳥何啻兩三  
聲凍解池開淥雲穿天半晴遊心不應動爲此欲  
逢迎

和孔中丞雪裏梅花

梁王筠

水泉猶未動庭樹已先知翻光同雪舞落素混冰  
池今春競時發猶是昔年枝唯有長鯁頓對鏡不  
能窺

詠早梅

梁何遜

兔園標物序驚時最是梅銜霜當路發映雪擬寒  
開枝橫却月觀花遶凌風臺朝灑長門泣夕駐臨  
邛杯應知早飄落故逐上春來

梅花落

梁吳均

終冬十二月寒風西北吹獨有梅花落飄蕩不依  
枝流連逐霜綵散漫下冰澌何當與春日共映芙  
蓉池

詠雪裏梅

陳陰鏗

言宿  
車集卷之二十一  
春近寒雖轉梅舒雪尚飄從風還共落照日不俱  
銷葉開隨足影花多助重條今來漸異昨向晚判  
勝朝

梅花落

陳徐陵

對戶一株梅新花落故栽燕拾還蓮并風吹上鏡  
臺娼家愁思妾樓上獨徘徊啼看竹葉錦箋寵未  
能裁

又三首

陳江總

胡地少春來三年驚落梅偏疑粉蝶散乍似雪花

開可憐香氣歇可惜風相摧金鏡且莫韻玉笛幸  
徘徊

縹色動風香羅生枝已長妖姬墜馬髻呆插江南  
璫轉袖花紛落春衣共有芳羞作秋胡婦獨採城  
南桑

臘月正日早驚春衆花未發梅花新可憐芬芳臨  
玉臺朝攀晚折還復開長安少年多輕薄兩兩共  
唱梅花落滿酌金卮催玉柱落梅樹下宜歌舞金  
谷萬株連綺夢梅花密處藏嬌鶯桃李佳人欲相



照摘葉牽花來並笑楊柳條青樓上輕梅花色白  
雪中明橫笛短簫淒復切誰知栢梁聲不絕

早梅

陳謝燮

迎春故早發獨自不疑寒畏落衆花後無人別意  
看

梅花落

陳蘇子卿

中庭一樹梅寒多葉未開祇言花是雪不悟有香  
來上郡春恒晚高樓年易催織書偏有意教逐錦  
文回

又

陳後主

春砌落芳梅飄零上鳳臺拂妝疑粉散逐溜似萍  
開映日花光動迎風香氣來佳人蚤挿髻試立且  
裴徊

又

唐楊炯

窗外一株梅寒花五出開影隨朝日遠香逐便風  
來泣對銅鉤障愁看玉鏡臺行人斷消息春恨幾  
徘徊

又

唐盧照鄰

言  
梅嶺花初發天山雲未開雪處疑花滿花邊似雪  
迴因風入舞袖雜粉向妝臺匈奴幾萬里春至不  
知來

梅

唐李嶠

大庾斂寒光南枝獨蚤芳雪含朝暝色風引去來  
香妝面迴青鏡歌塵起畫梁若能遙止渴何暇泛  
瓊漿

踏歌詞

唐謝偃

春景嬌春臺新露泣新梅春葉參差吐新花重疊  
開花影飛鶯去歌聲度鳥來倩看飄颻雪何如舞  
袖迴

庭梅

唐張九齡

芳意何能早孤榮亦自危更憐花蒂弱不受歲寒  
移朔雪那相妬陰風已屢吹馨香雖尚爾飄蕩復  
誰知

和崔使君詠後庭梅

唐孫逖

梅院重門掩遙遙歌吹邊庭深人不見春至曲能  
傳花落彈碁處香來薦枕前使君停五馬行樂此

詩宿  
中偏

官舍早梅

唐張謂

堦下雙梅樹春來畫不成  
晚時花未落陰處葉難  
生摘子妨人到攀枝畏鳥驚  
風光先占得桃李莫  
相輕

早梅

唐釋齊己

萬木凍欲折孤根煖獨回  
前村深雪裏昨夜一枝  
開風遞幽香出禽窺素艷  
來明年如應律先發望  
春臺

詠梅

唐王適

忽見寒梅樹開花漢水濱  
不知春色早疑是弄珠  
人

在蜀正朝摘梅

唐張說

蜀地寒猶暖正朝發早梅  
偏驚萬里客已復一年  
來

梅溪

唐張籍

自愛新梅好行尋一逕斜  
不教人掃石恐損落來  
花

詠桂

梁范雲

南中有八樹繁華無四時不識風霜苦安知零落期

詠桂樹

梁庾肩吾

新叢入望苑舊幹別層城倩視今移處何如月裏生

詠定林寺桂樹

北周王褒

飛 歲餘彫晚葉年至長新圍月輪三五映烏生八九

桂

唐李嶠

未值銀宮裏寧移玉殿幽枝生無限月花滿自然秋俠客條爲馬仙人葉作舟願君期道術攀折可淹留

題殿前桂葉

唐盧僎

攀 桂樹生南海芳香隔遠山今朝天上見疑是月中

茶歌

唐盧仝

日高丈五睡正濃將軍扣門驚周公口傳諫議送

言宿 軒集卷之二十一 七  
書信白絹斜封三道印開緘宛見諫議面手閱月  
團三百片聞道新年入山裏螿蟻驚動春風起天  
子須嘗陽羨茶百草不敢先開花仁風暗結珠蓓  
蕾先春抽出黃金芽摘鮮焙芳旋封裹至精至好  
且不奢至尊之餘合王公何事便到山人家柴門  
反關無俗客紗帽籠頭自前吃碧雲引風吹不斷  
白花浮光凝碗面一碗喉吻潤二碗破孤悶三碗  
搜枯腸惟有文字五千卷四碗發輕汗平生不平  
事盡向毛孔散五碗肌骨清六碗通仙靈七碗吃  
不得也唯覺兩腋習習清風生蓬萊山在何處玉  
川子乘此清風欲歸去山上羣仙司下土地位清  
高隔風雨安得知百萬億蒼生命墮顛崖受辛苦  
便從諫議問蒼生到頭還得蘇息否

飲茶歌送鄭客

唐釋皎然

丹丘羽人輕玉食採茶飲之生羽翼名藏仙府世  
莫知骨化雲宮人不識雪山童子調金鑄楚人茶  
經虛得名霜天半夜芳草折爛熳細花啜又生常  
說此茶祛我疾使人胸中蕩憂慄日上香爐情未

言宿  
畢亂踏虎溪雲高歌送君出

松

魏劉楨

亭亭山上松瑟瑟谷中風風聲一何盛松枝一何勁風霜正慘悽終歲恒端正豈不罹霜雪松栢有本性

又

晉張華

松生隴坂上百尺下無枝東南望河尾西北隱崐崖剛風振山籟朋鳥夜驚離悲涼貫年節苴翠恒若斯安得草木心不怨寒暑移

詠慈姥磯石上松

梁吳均

根爲石所蟠枝爲風所碎賴我有貞心終凌細草輩

詠寒松

梁范雲

脩條拂曾漢密葉障天濤凌風知勁節負霜見貞心

詠松樹

隋李德林

結根生上苑擢秀通華池歲寒無改色年長有倒枝露自金盤灑風從玉樹吹寄言謝霜雪貞心自

不移

南軒松

唐李白

南軒有孤松柯葉自綿冪清風無閒時瀟灑終日  
夕陰生古苔綠色深秋煙碧何當凌雲霄直上數  
千尺

松

唐李嶠

鬱鬱高巖表森森幽澗陲鶴棲君子樹風拂大夫  
枝百尺條陰合千年蓋影披歲寒終不改勁節幸  
君知

嚴鄭公塔下新松得霑字 唐杜甫

弱質豈自負移根方爾瞻細聲聞玉帳踈翠近珠  
簾未見紫煙集虛蒙清露霑何當一百丈歌蓋擁  
高簷

遙同蔡起居偃松篇 唐張說

清都衆木總榮芬傳道孤松最出羣名接天庭多  
景色氣連宮闕借氛氲懸池的的停華露偃蓋重  
重拂瑞雲不惜流膏助仙鼎願將楨幹奉明君

栢

漢無名氏

南山石鬼鬼松栢何離離上枝拂青雲中心十數  
圍洛陽發中梁松樹竊自悲斧鋸截是松松樹東  
西摧持作四輪車載至洛陽宮觀者莫不歎問是  
何山材誰能刻鏤此公輸與魯班被之用丹漆薰  
用蘇合香本自南山松今爲宮殿梁

古栢行

唐杜甫

孔明廟前有老栢柯如青銅根如石霜皮溜雨四  
十圍黛色參天二千尺君臣已與時際會樹木猶  
爲人愛惜雲來氣接巫峽長月出寒通雪山白日

昨路繞錦亭東先主武侯同閔宮崔嵬枝幹郊原  
古窈窕丹青戶牖空落落盤踞雖得地冥冥孤高  
多烈風扶持自是神明力正直元因造化功大厦  
如傾要梁棟萬牛回首丘山重不露文章世已驚  
未辭剪伐誰能送苦心豈免容螻蟻香葉終經宿  
鸞鳳志士幽人莫怨嗟古來材大難爲用

山行見孤桐

節文

宋鮑照

桐生叢石裏根孤地寒陰未霜葉已肅不風條自  
吟幸願見雕斲爲君堂上琴



言  
車集卷之二十一  
游東堂詠桐

齊謝朓

孤桐北窗外高枝百尺餘葉生旣婀娜葉落更扶  
踈無華復無實何以贈離居裁爲珪與瑞足可命  
參墟

賦得雙桐生空井

節文

梁簡文帝

季月雙桐并新枝雜舊株晚葉藏棲鳳朝花拂曙  
烏

霜來悲落桐

梁沈約

悲落桐落桐早霜露燕至葉未抽鴻來枝已素本

出龍門山長枝仰刺天上峯百丈絕下趾萬尋懸  
幽根未盤結孤株復危絕初不照光景終年負霜  
雪自顧無羽儀不願生曲池芬芳本自乏華實無  
可施匠者時留盼王孫少見知分取孤生枿徒置  
北堂陞宿莖抽晚幹新葉生故枝故枝雖遼遠新  
葉頗離離春風一朝至榮華坐如斯自惟良菲薄  
君恩徒照灼顧已非嘉樹空用憑阿閣願作清廟  
琴爲君舞玄鶴薜荔可爲裳文杏可爲梁勿言草  
木賤徒照君末光末光不徒照爲君含噉吡陽柯

言宿  
集卷之二十一  
綠水弦陰枝苦寒調厚德非所任敢不虛其心若  
逢陽春至吐綠照清潯

奉酬從兄臨川桐樹

梁王筠

伊昔檀羽儀待價龍門垂優游清露點微穆惠風  
吹月上陰陽榦雲覆死生枝公子存高尚聊用影  
華池棲鸞旣不重舞鶴復何施方同散木爨清響  
竟誰知

賦得棲梧桐威鳳

陳張正見

丹山下威鳳來集帝梧中欲舞春花落將飛秋葉

空影照龍門水聲入洞庭風別有將雛曲翻更合  
絲桐

詠桐

隋魏澹

本求裁作瑟何用削成珪願寄華庭裏枝橫待鳳  
棲

題僧房雙桐

唐李頎

青桐雙拂日傍帶凌霄花綠葉傳僧磬清陰潤井  
華誰能事音律焦尾蔡邕家

桐

唐李嶠

詩宿  
輒集卷之二十一  
孤秀嶧陽岑亭亭出衆林春花襍鳳影秋月弄珪  
陰高映龍門迴雙依玉井深不因將入爨誰爲作  
鳴琴

泉州刺桐花詠兼呈趙使君三首

唐陳陶

海曲春深滿郡霞越人多種刺桐花可憐虎竹西  
樓色錦帳三千阿母家  
不勝攀折悵年華紅樹南看見海涯故國春風歸  
去盡何人堪寄一枝花

赤帝常聞海上遊三千幢蓋擁炎州今來樹似離  
宮色紅翠斜欹十二樓

詠柳

梁簡文帝

垂陰滿上路結草早知春花絮時隨鳥風枝屢拂  
塵欲散依依彩時要歌吹人

折楊柳

前人

楊柳亂成絲攀折上春時葉密鳥飛礙風輕花落  
遲城高短簫發林空畫角悲曲中無別意併是爲  
相思

詠陽雲樓檐柳

梁元帝

楊柳非花樹依樓自覺春枝邊通粉色葉裏映紅  
巾帶日交簾影因吹掃席塵拂簷應有意偏宜桃  
李人

翫庭柳

梁沈約

輕陰拂建章夾道連未央因風結復解霑露柔且  
長楚妃思欲絕班女淚成行遊人未應去爲此還  
故鄉

折楊柳

陳張正見

楊柳半垂空裊裊上春中枝踈董澤箭葉碎楚臣  
弓色映長河水花飛高樹風莫言限宮掖不閉長  
楊宮

賦得垂柳映斜谿

前人

千仞清溪險三陽弱柳垂葉細臨湍合根空帶石  
危風翻夾浦絮雨濯倚流枝不分梅花落還同橫  
笛吹

折楊柳

陳後主

楊柳動春情倡園妾屢驚入樓含粉色依風雜管

言宿  
聲武昌識新種官渡有殘生還將出塞曲仍作胡  
笳鳴

楊柳歌

北周庾信

河邊楊柳百丈枝別有長條宛地垂河水衝激根  
株危倏忽河中風浪吹可憐巢裏鳳凰兒無故當  
年生別離流槎一去上天池織女支機當見隨誰  
言從來蔭數國直用東南一小枝昔日公子出南  
皮何處相尋玄武陂駿馬翩翩西北馳左右彎弧  
仰月支連錢障泥渡水騎白玉手板落盤螭君言

丈夫無意氣試問燕山那得碑鳳凰新管蕭史吹  
朱鳥春窻玉女窺銜雲酒杯赤瑪瑙照日食螺紫  
琉璃百年霜露奄離披一旦功名不可爲定是懷  
王作計誤無事翻復用張儀不如飲酒高陽池日  
暮歸時倒接羸武昌城下誰見移官渡營前那可  
知獨憶飛絮鵝毛下非復青絲馬尾垂欲與梅花  
留一曲共將長笛管中吹

折楊柳

唐李白

垂楊拂綠水搖艷東風年花明玉關雪葉暖金窻

煙美人結長恨對此心悽然攀條折春色遠寄龍  
庭前

題河邊枯柳

唐王泠然

隋家天子憶揚州厭坐深宮傍海游穿地鑿山開  
御路鳴笳疊鼓泛春流流從鞏北河汾口直到淮  
南種官柳功成力盡人旋亡運謝年移樹空有當  
時彩女侍君王帳殿旌門對柳行青葉交垂連幔  
色白花飛散深衣香今日摧殘何用道數里曾無  
一株好驛騎江帆損更多山精野魅藏應老涼秋  
九月露爲霜日夜孤舟入帝鄉河畔時時聞落葉  
客中無箇不霑裳

春池柳

唐太宗

年柳變池臺隋堤曲直迴逐浪絲陰去迎風帶影  
來踈黃一鳥哢半翠幾眉開縈雪臨春岸參差間  
早梅

柳

唐李嶠

楊柳鬱氤氳金堤總翠氛庭前花類雪樓際葉如  
雲列宿分龍影芳池寫鳳文短簫何以奏攀折爲

思君

柳邊

唐杜甫

只到梅花發那知柳亦新  
枝枝總到地葉葉自開春  
紫燕時翻翼黃鸝不露身  
漢南應老盡霸上遠愁人

賦得臨池柳

唐太宗

岸曲絲陰聚波移帶影踈  
還將眉裏翠來就鏡中舒

江邊柳

唐雍裕之

船  
嫋嫋古堤邊青青一樹煙  
若爲絲不斷留取繫郎

柳

唐張旭

濯濯煙條拂地垂城邊樓畔結春思  
請君細看風流意未減靈和殿裏時

楊柳枝詞二首

唐劉禹錫

煬帝行宮汴水濱數株殘柳不勝春  
晚來風起花如雪飛入宮牆不見人

城外春風颭酒旗行人揮袂日西時  
長安陌上無

詩

詩集卷之二

窮樹惟有垂楊縮別離

和練秀才楊柳

唐楊巨源

水邊楊柳綠煙絲  
立馬煩君折一枝  
惟有春風最相惜  
殷勤更向手中吹

賦得灞岸柳留辭鄭員外

前人

楊柳含煙灞岸春  
年年攀折爲行人  
好風儻借低枝便  
莫遣青絲掃路塵

楊柳枝詞

唐滕邁

三條陌上拂金羈  
萬里橋邊映酒旗  
此日令人腸欲斷  
不堪將入笛中吹

東亭柳

唐趙嘏

拂水斜煙一萬條  
幾隨春色醉河橋  
不知別後誰攀折  
猶自風流勝舞腰

楊柳枝

唐溫庭筠

館娃宮外鄴城西  
遠映征帆近拂堤  
繫得王孫歸意切  
不關春草綠萋萋

柳枝詞

唐韓琮



詩宿  
車集卷之二  
枝鬪纖腰葉鬪眉春來無處不成絲灞陵原上多  
離別少有長條拂地垂

槐

唐李嶠

暮律移寒火春宮長舊栽葉生馳道側花落鳳庭  
隈烈士懷忠觸鴻儒訪業來何當赤墀下踈幹擬  
三台

詠初桃

梁簡文帝

初桃麗新采照地吐其芳枝間留紫鸞葉裏發輕  
香飛花入露井交幹拂華堂若映窻前柳懸疑紅

粉妝

詠桃

梁沈約

風來吹葉動風去畏花傷紅英已照灼况復含日  
光歌童暗理曲游女夜縫裳詎減當春淚能斷思  
人腸

詠池邊桃

節文

梁任昉

已謝西王苑復揖綏山枝聊逢賞者愛棲趾傍蓮  
池開紅春灼灼結實下離離

詠桃

唐太宗

言宿  
禁苑春暉麗花蹊綺樹妝綴條深淺色點露參差  
光向日分千笑迎風共一香如何仙嶺側獨秀隱  
遙芳

桃

唐李嶠

獨有成蹊處穠華發井傍山風凝笑臉朝露泣啼  
妝隱士顏應改仙人路漸長還欣上林苑千歲奉  
君王

題桃樹

唐杜甫

小徑升堂舊不斜五株桃樹亦從遮高秋總餽貧  
人實來歲還舒滿眼花簾戶每宜通乳燕兒童莫  
信打慈鴉寡妻羣盜非今日天下車書正一家

桃源行

唐無名氏

源水叢花無數開丹跗紅萼間青梅從今結子三  
千歲預喜仙遊復摘來

詠李節文

梁沈約

青玉冠西海碧石彌外區化為中園實其下成路  
衢色潤房陵縹味奪寒水朱

又

陳江總

嘉樹春風早春風花落新但見成蹊處幾得正冠  
人當知露井側復與天桃鄰

賦得李

唐李嶠

潘岳閒居日玉戎戲陌辰蝶遊芳徑馥鶯轉弱枝  
新葉暗青房晚花明玉井春方知有靈幹特用表  
真人

詠池上梨花

齊王融

翻堦沒細草集水間踈萍芳春照流雪深夕映繁  
星

又

齊劉繪

露庭晚翻積風閨夜入多縈蕞似亂蝶拂燭狀聯  
蛾

西地梨

梁沈約

列茂河陽苑蓄蓄紫濫觴隈翻黃秋沃若落素春徘徊

詠梨花應令

梁劉孝綽

玉壘稱津潤金谷詠芳菲詎足龍樓下素藥應朱  
扉雜雨疑霰落因風似蝶飛豈不憐飄墜願入九

重闈

左掖梨花

唐丘爲

冷艷全欺雪餘香乍入衣春風且莫定吹向玉階  
飛

又

唐王維

閒灑堦邊草輕隨箔外風黃鸝弄不足銜入未央  
宮

又

唐皇甫冉

巧解迎人笑偏能亂蝶飛春風時入戶幾片落朝

夕

奉答南平王賚朱櫻

梁簡文帝

倒流映碧叢點露擎朱實花茂蝶爭飛枝濃鳥相  
失已麗金釵瓜仍美玉盤橘寧異梅似丸不羨萍  
如日永植平臺垂長與雲桂密徒然奉推甘終以  
愧操筆

勅賜百官櫻桃

唐王維

芙蓉闌下會千官紫禁朱櫻出上闌總是寢園春  
薦後非關御苑鳥銜殘歸鞍競帶青絲籠中使頻

詩宿  
車集卷之二  
傾赤玉盤飽食不須愁內熟大官還有蔗漿寒

和勅賜百官櫻桃

唐崔興宗

未央朝謁正逶迤天上櫻桃錫此時朱實初傳九  
華殿繁榮花舊雜萬年枝未勝晏子江南橘莫比潘  
家大谷梨聞道令人好顏色神農本草自應知

野人送朱櫻

唐杜甫

西蜀櫻桃也自紅野人相贈滿筠籠數回細寫愁  
仍破萬顆勻圓訝許同憶昨賜露門下省退朝擊  
出大明宮金盤玉筯無消息此日嘗新任轉蓬

和詠解署有櫻桃

唐孫逖

上林天禁裏芳樹有紅櫻江國今來見君門春意  
生香從花綬轉色繞佩珠明海鳥銜初實吳姬掃  
落英切將稀取貴羞與衆同榮爲此堪攀折芳蹊  
處處成

白胡桃

唐李白

紅羅袖裏分明見白玉盤中看却無疑是老僧休  
念誦腕前推下水晶珠

賦得詠石榴

梁元帝

言宿  
車集卷之二十一  
二一四  
塗林未應發春暮轉相催然燈疑夜火連珠勝早  
梅西域移根至南方釀酒來葉翠如新剪花紅似  
故裁還憶河陽縣映水珊瑚開

詠石榴

梁沈約

靈園同佳稱幽山有奇質停采久彌鮮含華豈期  
實長願微名隱無使孤株出

詠鄰女東窻海石榴

唐李白

魯女東窻下海榴世所希珊瑚映綠水未足比光  
輝清香隨風發落日好鳥歸願爲東南枝低舉拂

羅衣無由共攀折引領望金扉

同和詠樓前海榴

唐孫逖

客自新亭郡朝來數物華傳君妓樓好初落海榴  
花露色珠簾映香風粉壁遮更宜林下雨日晚逐  
行車

詠樓前海石榴

前人

苦竹園南椒塢邊微香冉冉淚涓涓已悲節物同  
寒鴈忍委芳心與暮蟬細路獨來當此夕清尊相  
伴省他年紫雲新苑移花處不取霜栽近御筵

詠柑

陳徐陵

朱實挺江南苞品擅珍淑上林雜嘉樹江潭間修竹萬室擬封侯千株挺荆國綠葉萋以布素榮芬且郁得陳終宴歡良垂雲雨育

橘

古詩未考世

橘柚垂嘉實乃在深山側聞君好我甘竊獨自雕飾

又

梁虞羲

衝飈發隴首朔雪度炎洲摧折江南桂離披漠北

楸獨有凌霜橘榮麗在中州從來自有節歲暮將何憂

園橘

梁沈約

綠葉迎露滋朱苞待霜潤但令入玉枰金衣非所吝

又

梁范雲

芳條結寒翠園實變霜朱徒根楚州上來復廣庭隅

橘

梁徐摛

麗樹標江浦結翠似芳蘭焜煌玉衡散昭曜金衣  
丹愧以無雕飾徒然登玉盤

橘樹

隋李孝貞

嘉樹出巫陰分根徙上林白華如散雪朱實似懸  
金布影臨丹地飛香度玉岑自有凌冬質能守歲  
寒心

橘

唐李嶠

萬里盤根植千株布葉繁旣榮潘子賦方重陸生  
言玉疇含霜動金衣逐吹翻願辭湘水曲長茂上

林園

諒公洞庭孤橘歌

唐顧況

不種自生一株橘誰教渠向堦前出不羨江陵千  
木奴下生白蟻子上生青雀雛飛花蒼蘆旃檀香  
結實如綴摩尼珠洞庭橘樹籠煙碧洞庭波月連  
沙白待取天公放恩赦儂家定作湖中客

洞庭山維諒上人院堦前孤生橘樹歌

唐釋皎然

洞庭仙山但生橘不生凡木與梨栗真子無松自



不栽感得一株堦下出細葉繁枝委露新四時常  
綠不關春若言此物無道性何意孤生來就人二  
月三月山初暖最愛低簷數枝短白花不用鳥銜  
來自有風吹手中滿九月十月爭破顏金實離離  
顏色殷一夜天晴香滿山天生珍木異於俗俗士  
來逢不敢觸清陰獨步禪起時徙倚枝前看不足

照公院雙橙

唐李頎

種橙夾階生得地細葉隔簾見雙翠抽條向長未  
及肩白人遶根日三四青青何必楚人家帶雨凝  
煙新著花永願看爐灑甘露夕陽時映東枝斜南  
庭蓄竹爾不敵借問何時堪挂錫

荔枝

梁劉霽

叔師貴其珍武仲稱斯美良由自遠致含滋不留  
齒

賦得雜言詠栗

陳陸玠

貨見珍於有漢木取貴於隆周英肇萌於朱夏實  
方落於素秋委玉盤雜椒糝將象席糝珍羞

詠柿

節文

梁庾仲容

叢葉臨層檻翻英糝花藥風生樹影移露重新枝  
弱苑朱正苞翠梁烏未銷鑠

詠棗

晉趙整

北園有一樹布葉垂重陰外雖多棘刺內實有赤  
心

棗

梁簡文帝

浮華齊水麗垂彩鄭都奇白英紛靡靡紫實標離  
離風搖羊角樹日映雞心枝穀城踰石蜜蓬嶽表  
仙儀已聞安邑美永茂玉門垂

棗下何纂纂

前人

垂花臨碧澗結翠依丹嶠非直入遊宮兼期植靈  
苑落日芳春暮遊人歌吹晚弱刺引羅衣朱實凌  
還憶且歡洛浦詞無羨安期遠

詠檉

前人

凌寒競貞節負雪固難虧無慚雲母桂詎減珊瑚  
枝

魏倉曹東堂檉樹

唐李頎

愛君雙檉一樹奇千葉齊生萬葉垂長頭拂石帶

詩宿 軼集卷之二十一  
煙雨獨立空山人莫知  
攢青蓄翠陰滿屋紫穗紅  
英會斷目洛陽墨客遊  
雲間若到麻源第三谷

海棕行

唐杜甫

左綿公館清江濱海棕一株高入雲  
龍鱗犀甲相錯落蒼稜白皮十抱文  
自是衆木亂紛紛海棕焉知身出羣  
移栽北辰不可得時有西域胡僧識

宛陵館冬青樹

唐趙嘏

碧樹如煙覆晚波清秋欲盡客重過  
故園亦有如煙樹鴻鴈不來風雨多

相思樹

唐王維

紅豆生南國秋來發幾枝  
贈君多採摘此物最相思

慎火

梁范筠

茲卉信叢叢微榮未足奇  
何期糝香草遂得遶花池  
忘憂雖無用止燄或有施  
早得建章立幸熟栢梁垂

芳樹

梁沈約

發萼九華隈開跗寒露側  
氤氳非一香參差多異

言  
集卷之二十一  
色夙昔寒飈舉摧殘不可識霜雪交橫至對之長  
歎息

又

梁丘遲

芳葉已漠漠嘉實復離離發景傍雲屋凝暉覆華  
池輕蜂掇浮穎弱鳥隱深枝一朝容色茂千春長  
不移

賦得芳樹

陳李爽

芳樹千株發搖蕩三陽時氣軟來風易枝繁度鳥  
遲春至花如錦夏近葉成帷欲寄邊城客路遠詎

能持

賦得庭中有奇樹

陳賀循

三春節物始芳菲遊絲細草動春暉香風飄舞花  
間度好鳥和鳴枝上飛臨池間竹偏增綠依塔映  
雪紛如玉溫室庭前竟不言鼓吹樓中能作曲會  
聞遠別舊難思攀折會取贈佳期長條本自堪爲  
帶密葉由來好作帷星稀漢轉月輪明徘徊夜鵲  
屢相驚欲識幽人蘭杜逕山窻芳桂復叢生

芳樹

唐符子珪

言宿  
芳樹宜三月曛曛豔綺年香交珠箔氣陰占綠庭  
煙小葉風吹長繁  
花露濯鮮遂令穠李兒折取簪  
花鈿

感秋林

唐姚倫

試向東林望方悲節候殊亂聲千葉下寒影一巢  
孤不蔽秋天鴈驚飛夜月烏霜風與春日幾度遣  
榮枯

早秋望華清宮樹

唐常袞

可憐雲木叢滿禁碧濛濛色潤靈泉近陰清  
通玉壇標八桂金井識雙桐交映凝寒露相和起  
夜風翠屏更隱見珠綴共玲瓏雷雨生成早樵蘇  
禁令雄野藤高助綠仙果迴呈紅惆悵繚垣暮茲  
山間暗蛩

竹類

詠竹

齊謝朓

窻前一叢竹青翠獨言奇南條交北葉新筍雜故  
枝月光踈已密風聲起復垂青  
相窺但恨從風籜根株長別離

賦得竹節文

梁元帝

柯亭臨絕澗桃坂夾細流冠學芙蓉勢花堪威鳳  
遊邛王若有獻張騫應拜侯

見江邊竹

梁虞羲

挺此貞堅性來樹朝夕池秋波漱下趾冬雪封上  
枝歲蕤防曉露蔥蘢集羈雌含風自颯颯負雪亦  
猗猗金明無異狀玉洞良在斯但恨非嶰谷伶倫  
未見知

詠簷前竹

梁沈約

萌開籜已垂結葉始成枝繁陰上蒼翁茸促節下離  
離風動露滴瀝月照影參差得生君戶牖不願夾  
華池

和新浦侯齋前竹

梁江洪

本生出高嶺移賞入庭蹊檀欒拂桂楹蒼翁蔥傍朱  
閨夜條風析析曉葉露淒淒籜紫春鶯思筠綠寒  
蛩啼不惜凌雲茂遂聽羣雀棲願抽一莖實試看  
翔鳳來

竹

梁劉孝先

竹生荒野外稍雲聳百尋無人賞高節徒自抱貞  
心恥深湘妃淚羞入上宮琴誰能制長笛當爲吐  
龍吟

詠枯葉竹

梁劉孝威

枯楊猶更綠臥柳尚還生勿嫌鳳不至終當待聖  
明

賦得夾池修竹

陳賀循

綠竹影參差葳蕤帶曲池逢秋葉不落經寒色詎  
移來風韻晚逕集鳳動春枝所欣高蹈客未待伶

倫吹

又

陳陰鏗

夾池一叢竹垂翠不驚寒葉醞宜城酒皮治薛縣  
冠湘川深別淚衡嶺拂仙壇欲見凌冬質當爲雪  
中看

賦得階前嫩竹

陳張正見

翠竹梢雲自結叢輕花嫩筍欲凌空砌曲橫枝屢  
解籜階前踈葉強來風欲知抱節成龍處當於山  
路葛陂中

與東方左史虬修竹篇

唐陳子昂

龍種生南嶽孤翠鬱亭亭峯嶺上崇峯煙雨下微  
冥夜聞鼯鼠叫書聒泉壑聲春風正淡蕩白露已  
清泠哀響激金奏密色滋玉英歲寒霜雪苦含彩  
獨青青豈不厭凝冽羞比春木榮春木有榮歇此  
節無凋零始願與金石終古保堅貞不意伶倫子  
吹之學鳳鳴遂偶雲和瑟張樂奏天庭妙曲方千  
變簫韶亦九成信蒙雕斲美常願事仙靈驅馳翠  
虬駕伊鬱紫鸞笙結交羸臺女吟弄昇天行攜手

登白日遠遊戲赤城低昂玄鶴舞舞斷續彩雲生永  
隨衆仙逝三山遊玉京

慈姥竹

唐李白

野竹攢石生含煙映江島翠色落波深虛聲帶寒  
早龍吟曾未聽鳳曲吹應好不學蒲柳凋貞心常  
自保

范公藜竹歌

唐岑參

世人見竹不解愛知君種竹府庭內此君託根幸  
得地種來幾時聞已大盛暑脩脩藜色寒閒宵槭



言  
輒集卷之二十一  
五  
槭葉聲乾能清案牘簾下見宜對琴書窗外看爲  
君成陰將蔽日迸筍穿階踏還出守節偏凌御史  
霜虛心願比郎官筆君莫愛南山松樹枝竹色四  
時也不移寒天草木黃落盡猶自青青君始知

竹

唐李嶠

高幹楚江濱嬋娟含曙氣白花搖鳳影青節動龍  
文葉掃東南日枝梢西北雲誰知湘水上流淚獨  
思君

嚴鄭公宅同詠竹得香字 唐杜甫

綠竹半含籜新梢纔出牆色侵書帙晚陰過酒罇  
涼雨洗娟娟淨風吹細細香但令無翦伐曾見拂  
雲長

奉和徐侍郎中書叢籜 唐蔣渙

中禁夕沉沉幽篁別作林色連雞樹近影落鳳池  
深爲重凌霜節能虛應物心年年承雨露長對紫  
庭陰

沈十四拾遺新竹生讀經處同諸公之作

唐王維

閒居日清靜修竹自檀欒嫩節留餘籜新叢出舊  
闌細枝風響亂踈影月光寒樂府裁龍笛漁家伐  
釣竿何如道門裏青翠拂仙壇

詠院中蓂竹

唐呂太一

擢擢當軒竹青青重歲寒心真徒見賞籜小未成  
竿

花類

看牡丹

唐釋文益

擁毳對芳叢由來趣不同髮從今日白花是去年

紅艷色隨朝露馨香逐晚風何須待零落然後始  
知空

牡丹

唐羅隱

似共東君別有因絳羅高捲不勝春莫教解語應  
傾國任是無情亦動人芍藥與君爲近侍芙蓉何  
處避芳塵可憐韓令功成後辜負穠華過此身

紅牡丹

唐王維

綠豔閒且靜紅衣淺復深花心愁欲斷春色豈知  
心

牡丹

唐鄭谷

亂前看不足亂後眼偏明  
却得蓬蒿力遮藏見太平

裴給事宅白牡丹

唐開元名公

長安豪貴惜春殘  
爭賞新開紫牡丹  
別有玉盤承露冷  
無人起就月中看

蘇侍郎紫薇庭各賦一物得芍藥

唐張九齡

仙禁生紅藥微芳不自持  
幸因親切地還遇艷陽

時名見桐君錄香聞鄭國詩  
孤根自可用非直愛華滋

海棠

唐李紳

海邊佳樹生奇彩知是仙山  
取得栽瓊蕊籍中聞  
閨苑紫芝圖上見蓬萊  
淺深芳萼通宵換委積紅  
英報晚開寄語春園  
百花道莫爭顏色泛金杯

詠薔薇

齊謝朓

低枝詎勝葉輕香幸自通發萼  
初攢紫餘采尚霏  
紅新花對白日故藥  
逐行風參差不俱曜誰肯盼

詩宿  
車集卷之二十八  
三十八  
薇叢

又

梁簡文帝

燕來枝益軟風飄花轉光  
氤氳不肯去還來階上  
香

看摘薔薇

梁元帝

倡女倦春閨迎風戲玉除  
近叢看影密隔樹望釵  
踈橫枝斜縮袖嫩葉下牽裾  
墻高舉不及花新摘  
未舒莫疑挿髮少分人猶有餘

看美人摘薔薇

梁劉綏

新花臨曲池佳麗相隨鮮紅同映水  
輕香共逐吹繞架尋多處窺世取見好枝  
矜新猶恨少將故復嫌菱釵邊爛熳挿無處不相宜

薔薇

梁鮑泉

經植宜春館霍靡上蘭宮片舒猶帶紫半捲未全  
紅葉踈難蔽日花密易傷風佳麗新妝罷含笑折  
芳叢

又

梁柳惲

當戶種薔薇枝葉太葳蕤不搖香已亂無風花自

飛春閨不能靜開匣理明妃曲池浮采采斜岸列  
依依或聞好音度時見銜泥歸且對清沽湛其餘  
任是非

又

唐儲光羲

裊裊長數尋青青不作林一莖獨秀當庭心數枝  
分作滿庭陰春日遲遲欲將半庭影離離正堪玩  
枝上嬌鶯不畏人葉底飛蛾自相亂秦家女兒愛  
芳菲畫眉相伴采葳蕤高處紅鬚欲就手低邊綠  
刺已牽衣蒲萄架上朝光滿楊柳園中暝鳥飛連  
袂踏歌從此去風吹香氣逐人歸

奉和中書李舍人昆季詠玫瑰花寄徐郎中

唐盧綸

獨鶴寄煙霜雙鸞思晚芳舊陰依謝宅新艷出蕭  
牆蝶起搖輕露鶯銜入夕陽雨朝勝濯錦風夜劇  
焚香麗日千層焰孤霞一片光密來驚葉少動處  
覺枝長布影期高賞留春爲遠方嘗聞贈瓊玖叨  
賀愧登堂

又

唐司空曙

仙吏紫薇郎奇花共艷芳攢星排綠蒂照眼發紅  
光暗妬翻堦藥遙連直署香透枝蜂遠易礙刺鳥  
銜妨露濕凝衣粉風吹散藥苗朦朧珠樹合煥爛  
錦屏張留客勝看竹思人比愛棠如傳採蘋詠遠  
思滿瀟湘

合歡

晉楊方

南鄰有奇樹承春挺素華豐翹被長條綠葉蔽朱  
柯因風吐微音芳氣入紫霞我心羨此木願徒著  
余家夕得遊其下朝得弄其葩爾根深且固余宅  
淺且洿移植良無期歎息將如何

題合歡

唐李頎

開花復卷葉艷眼又驚心蝶遶西枝露風披東榦  
陰蓄衫漂細藥時拂女郎砧

唐昌觀玉蕊

唐武元衡

琪樹年年玉蕊新洞宮長閉彩霞春日暮落英鋪  
地雪獻花無復九天人

又

唐王建

一樹瓏璵玉刻成飄廊點地色輕輕女冠夜覓香

來處惟見階前碎月明

紫藤樹

唐李白

紫藤挂雲木花蔓宜陽春  
密密葉隱歌鳥香風留美人

石上藤

唐岑參

石上生孤藤弱蔓依石長  
不逢高枝引未得凌空  
上何處堪託身爲君長萬丈

愛敬寺古藤歌

唐李頎

古藤池水盤樹根左攫右拏  
龍虎蹲橫空直上相

凌突丰茸離纏若無骨  
風雷霹靂連黑枝人言其  
下藏妖魑空庭落葉乍開  
合十月苦寒常倒垂憶  
昨花飛滿空殿密葉吹香  
飯僧徧南階雙桐一百  
尺相與年年老霜霰

和題藤架

唐獨孤及

尊尊葉成幄璀璨花  
落架花前離心苦愁至無日  
夜人去藤花千里強  
藤花無主爲誰芳相思歷亂  
何由盡春日迢迢如線長

藤

唐李嶠

吐葉依松磴舒苗長石臺神農嘗藥罷質子寄書  
來色映蒲萄架花分竹葉杯金隄不見識玉潤幾  
重開

古藤

唐錢起

引蔓出雲樹垂綸覆巢鶴幽人對酒時苔上閒花  
落

園葵

晉陸機

種葵北園中葵生鬱萋萋朝榮東北傾夕頽西南  
晞零露垂鮮澤朗日耀其暉時逝柔風戢歲暮商

颺飛曾露無溫夜嚴霜有凝威幸蒙高墉德玄景  
蔭素糝豐條並春盛落葉後秋衰慶彼晚彫福忘  
此孤生悲

宜男草

梁元帝

可愛宜男草垂采映倡家何時如此葉結實復含  
花

鹿蔥

梁沈約

野馬不任騎兔絲不任織既非中野花無堪麋麕  
食



詠萱草

北齊陽休之

開跼幽澗底散彩曲堂垂優柔清露濕微穆惠風  
吹朝朝含麗景夜夜對華池

詠階前萱草

隋魏澹

綠草正含芳羅靡映前堂帶心花欲發依籠葉已  
長雲度時無影風來乍有香橫得忘憂號余憂遂  
不忘

萱草

唐李嶠

緩步尋芳草忘憂自結叢葉舒春夏綠花吐淺深

紅色湛仙人露香傳少女風還依北堂下曹植動  
文雄

魏氏園亭各賦一物得秋亭萱草

唐陳子昂

昔時幽徑裏榮耀雜春叢今來玉墀上銷歇畏秋  
風細葉猶含綠鮮花未吐紅忘憂誰見賞空此北  
堂中

詠百合

梁宣帝

接葉有多種開花無異色含露或低垂從風時偃

言宿  
柳

芙蓉

晉陸雲

綠房含青實金條懸白璆俯仰隨風傾煒燁照清流

青陽度

晉無名氏

青荷蓋綠水芙蓉披紅鮮下有並根藕上生同心蓮

數劉公幹體

宋鮑照

荷生淶泉中碧葉齊如規迴風蕩流霧珠水逐條

垂彪炳此金塘藻耀君王池不愁世賞絕但畏盛明移

蓮舟買荷度

梁簡文帝

採蓮前岸隈舟子屢徘徊披衣可識風疎荷香不來欲知當度處當看荷葉開

採蓮曲二首

前人

常聞渠可愛採擷欲爲裙葉滑不留縊心忙無假薰千春誰與樂唯有妾隨君

晚日照空磯採蓮承晚暉風起湖難度蓮多摘未

言宿  
稀櫂動芙蓉落船移白鷺飛荷絲旁繞腕菱角遠  
牽衣

詠芙蓉

前人

團花一蒂卷交葉半心開影前光照曜香裏蝶徘徊  
欣隨玉露點不逐秋風催

賦得涉江採芙蓉

梁元帝

江風當夜清桂櫂逐流縈初疑京兆劔復似漢冠  
名荷香帶風遠蓮影向根生葉卷珠難溜花舒紅  
易傾日暮鳧舟滿歸來度錦城

詠芙蓉

梁沈約

微風搖紫葉輕露拂朱房中池所以綠待我汎紅  
光

遙見美人採荷

梁劉孝綽

菱莖時繞釧櫂水或霑妝不辭紅袖濕唯憐綠葉  
香

採蓮曲

梁劉孝威

金槳木蘭船戲採江南蓮蓮香隔浦渡荷葉滿江  
鮮房垂易入手柄曲自臨盤露花時濕釧風莖乍

詩宿  
車集卷之二十一  
四十六  
拂鈿

詠江南可採蓮

梁劉緩

春初北岸涸夏月南湖通  
卷荷舒欲倚芙蓉生卽  
紅檝小宜迴逕船輕好入叢  
釵光逐影亂衣香隨  
逆風江南少許地年年情不窮

詠同心芙蓉

梁朱超道

青山麗朝景玄峯朗夜光未及清池上  
紅蕖並出房日分雙蒂影風合兩花香  
魚驚畏蓮折龜上礙荷長  
雲雨留輕潤草木應嘉祥  
徒歌涉江曲誰見

緝爲裳

採蓮曲

梁沈君攸

平川映晚霞蓮舟泛浪華  
衣香隨岸遠荷影向流  
斜度手牽長柄轉檝避  
踈花還船不畏滿歸路  
詎嫌賒

賦得涉江採芙蓉

陳祖孫登

浮照滿川漲芙蓉承落光  
人來問花影衣渡得荷  
香桂舟輕不定菱歌引  
更長采采嗟離別無暇緝  
爲裳

詠城塹中荷

前人

白水麗金扉青荷承日暉  
葉似環城蓋香亂上橋  
衣岸高知水落影合見菱稀  
猶疑涉江處空望採蓮歸

採蓮曲

隋盧思道

曲浦戲妖姬輕盈不自持  
擎荷愛圓水折藕弄長絲  
珮動裙風入妝銷粉汗滋  
菱歌惜不唱須待暝歸時

芙蓉花

隋辛德源

洛神挺凝素文君拂艷紅  
麗質徒相比鮮彩兩難同  
光臨照波日香隨出岸風  
涉江良自遠託意在無窮

賦得涉江采芙蓉

隋孔德紹

蓮舟泛錦磧極目眺江干  
沿流渡楫易逆浪取花難  
有霧疑川廣無風見水寬  
朝來採摘倦詎得久盤桓

詠同心芙蓉

隋杜公瞻

灼灼荷花瑞亭亭出水中  
一莖孤引綠雙影共分

言宿  
紅色奪歌臉暈香亂舞衣風名蓮自可念况復兩  
心同

詠採蓮

隋殷英童

蕩舟無數伴解纜自相催汗粉無傭拭風裙隨意  
開櫂移浮荇亂船進倚荷來藕絲牽作縷蓮葉捧  
成杯

採芙蓉

唐太宗

結伴戲方塘攜手上雕航船移分細浪風散動浮  
香游鷺無定曲驚鳥見有亂行蓮稀釧聲斷水廣櫂  
歌長栖鳥還密樹泛流歸建章

粲公院各賦一物得初荷 唐李頎

微風和衆草大葉長圓陰晴露珠共合夕陽花映  
深從來不著水清淨本因心

采蓮

唐王昌齡

越女作桂舟還將桂爲楫湖上水渺漫清江初可  
涉摘取芙蓉花莫摘芙蓉葉將歸問夫婿顏色何  
如妾

采蓮曲

唐戎昱